

PAKANI YELI MWAHALA
MASIKA A LIKELEKE
ZESUPA NI MASWAYO ASUPA



Ki manzibwana, balikani. Ki to—to honolo yetuna fa ku kutela mwa ndu ya Mulena, busihu boo, mwa sebelezo, mi lu sa pila ka—ka manna ya kakusana kacenu, kuli mioyo yaluna ibile yefuyozwi hahulu ka kubateni kokutuna kwa Pata ya Hae. Mi cwale, busihu boo, luna ni . . . lukala ka tuto ya: *Pakani Yeli Mwahala Masika A Likeleke Zesupa ni Maswayo Asupa*.

² Mi Ne ni sweli fela kuambola, musihali wo, ku mulikani. mi mwendi, haiba Mulena alata, nako yeñwi mwa mbumbi yee, haiba Hana ku ni bizeza kwa Hae, kamba—kamba, Ni fumaneha kuli ni yokuta, haiba ni sa yi mwabuse bwa mawate kamba nto yeñwi, Ni ka bata kuli ninate hape fa Litolombita ze sebene za mafelelezo, mwabona. Mi kaufela zona za tamahana hamoho. Mi—mi hape kuna ni Likoto ze sebene za mafelelezo ku zona. Mi kaufela litamahana hande hamoho, sina haluka bona hanze luya cwalo.

³ Kacwalo, busihu cwana, hanze luya lu kutumana . . . Mwendi ni kaba ya liyeha nyana ka butelele busihu cwana. Hamoho ni . . . Ni sa kuta fela kwanu, cwale . . . Likutazo kaufela ze Ni ezize mwa Phoenix, Ne ni si ka sileha linzwi neba hañwi, mwabona. Yeo ki niti. Mi, oh, mawi, mone Ni kutalelize katata luli! Mi haili, Na lumela, ne li lisebelezo ze twenti-sebene, kusina kusileha linzwi. Kono ki buino bwa moya wa kwanu, mwa bona. Nibulele fela kuli, ku maswe fela kwanu, ki musindi fela. Ki sibaka se si maswe fela kwanu, mi, ka buiketo, mwa ziba, se Ni talusa, ku—ku—ku maswe. Mi mukutazi kaufela una ni . . . ya bulela, una ni mumizo o kubuhile, ka kukala.

⁴ Mi—mi mulikana ka wa dokota na ni talimile fa mumizo, nako yeñwi, kubona sene sili butata. Ali, “Hakuna.” Ali, “Una ni fela matutwa fa mumizo wa hao.” Ali, “Azwile kwa ku kutaza.” Kihande, Na—Na—Na lata cwalo, mwa ziba. Sani ne si ni tabisize, haibile fela atile ka kukutaza, mwa bona. Likaba fela hande, kwa Mubuso wa Mulimu.

⁵ Cwale, hakulata halukoni kulwala mwa mubili wa luna liswayo la Je- . . . la Jesu Krete, sina Paulusi mwa na bezi, bakeñisa kushapiwa. Kono lwakona kulwala liswayo la luna ka kukutaza ni kufa linzwi la luna ka kulwanisa lika ze fosahalile.

Kacwalo, lu itumela hahulu kuli halu lukeli kunatiwa ni kamuta, sihulu kutofita ka nako yee. Kacwalo luna—luna ni . . .

⁶ Ki ba bakai mo baba balile yakuli *Ki Nako Mañi, Sha?* Kamba, baba iutwile, mwa ziba, *Ki Nako Mañi, Sha?* I ni katalize fa nako yetelele nyana. Haiba ha mu si ka ibala kale, Ni tabela kuli, ka mukwa omuñwi, haiba mwakona ku i teezeza, kamba ka nzila yeñwi. Ne si ni katalize. Ni bata fela ni bulele taba ye sebelezo i si ka kalisa kale. Mwendu—mwendi biki kamba mazazi a lishumi afitile, Ne ni katazehile luli. Na fela . . . Ne—Ne—Ne ni si ka, Ne ni sina lisebelezo kamba sika kaufela, kakuli Ne—Ne ni sa zibi. Ne kubonahala kuli neikaba nto yemaswe, mi Ne ni sa zibi kuli neli sikamañi. Kacwalo Na . . .

⁷ Kakusasa omuñwi, ha Ni zuha, kuya kwa Sabino Canyon. Kakuli, kuzwa kwa ndu, ki mizuzu fela ye mashumi a malalu ka mota kuya kwa . . . kamba mashumi amane, kuya kwa mafelelezo a Sabino Canyon, konakuli kuna ni nzila ye zamaiwa ka limaili ze mashumi amalalu kukambama lilundu.

⁸ Ki naha isili, kulo kwani. Na kona kuba kwanu kwa lihalaupa, ko ku cisa eite kamba nainte, ona fa, mi ka mizuzu ye mashumi amalalu muba mwa litwa mafiti a eiti a kukangela, mwabona, fa halimwa lilundu. Neluli kwa Phoenix, cwanoñu nyana fela, kone kuli twenti bukana, twenti-eiti digirizi. Ba futumaza mezi a mwa lisa, mi batu neba tapa. Mi mwendi ka mizuzu ye mashumi amane kuzwa kwani, neli mwatasa noto kubata kwateni, kwa Flagstaff. Mwabona? Kona shutano kwa malundu ni lihalaupa. Mi ki sibaka sesinde kwa butuku bwa kufipelwa, ni zeñwi cwalo.

⁹ Kono, cwale, Na kambama mwa musindi, mi Na pahama fahalimu luli mo ne Ni konela. Mi Na—Na—Na buza Mulena, hane ni sa li fahalimu fani, kuli ze kaufela ne li talusa sikamañi, ni zeñwi cwalo. Ne ni katalizwe cwalo, mi ne ni sa zibi fela sa kueza.

¹⁰ Mi kacwalo ha ne Ni lapela; nto yeñwi ya ezahala. Ni—Ni—Ni bata kuba ya sepahala. Cwale, mwendi Ne ni keni mwa buloko. Hakulata neli tolo ya musihali, kamba neli fela—fela—fela pono. Ni bata kulumela kuli neli pono. Kuli, Ne ni nanuzi mazazo, nali, “Mulena, kupanela kwa kutalusa sikamañi? Mi Mangeloi asupa mwa mukoloko wa—wa piramidi atalusa sikamañi, a ni nanula kuzwa fafasi ni ku ni isa kwa neku la upa, se sitalusa sikamañi?”

¹¹ Ne ni yemi kwani, mwa tapelo, mi sesiñwi sa ezahala. Mi, cwale, sesiñwi sa wela mwa lizoho laka. Mi Na ziba, ha u sa utwisisi lika za moya, likona kubonahala zenca luli. Kono sesiñwi sa ni wela mwa lizoho. Mi, ha Ni talima, neli mukwale. Mi siswaliso ne si ezizwe ka butale, butale bobunde luli ku bo Ni kile nabona fateni. Mi ni—ni sipushu, mwa ziba, koo . . . Ni sepa ki sa kusileleza mazoho kwa ku sa sehiwa, mwa ziba, hamunze muli . . . si—si neba itusisa mikwale; ya gauda kwa kulwana. Mi

silungo sa mukwale ne si sesitelele hahulu, kono neli fela buhali bwa kabemba; mi ne u benya luli sina silivera. Mi neli nto yende hahulu ku ze Ni kile nabona fateni. Ne u tilo kwana fela hande mwa lizoho. Mi Na uswala. Na li, “ha ki zende zeo nji!” Na u talimela. Mi Na hupula kuli, “Kono mwa ziba, kamita ni saba hahulu mukwale.” Ne ni tabezi kakuli Ne ni pila mwa mazazi one baitusisa yona, kakuli Ni—Ni saba hahulu tipa. Mi kacwalo Na—Na hupula kuli, “Ni kona kueza sikamañi ka ona?”

¹² Mi hane ni u sweli cwalo, mwa lizoho, Linzwi la utwahala lali, “Wo ki mukwale wa Mulena.” Mi wa ni siya.

¹³ Kihande, Na—Na komoka so no talusa, “‘Wo ki mukwale wa Mulena.’” Mi Na hupula, “Kambe U bulezi kuli, ‘ki mukwale wa mulena,’ ne Ni ka utwisisa. Kono La bulela kuli ‘mukwale wa Mulena *yomuhulu*.’” Kacwalo mwendi Hanikoni kuhupula hande, kono Na hupula nali, “Kuna ni fela Alimuñwi, Mulena *yomuhulu*, yoo ki Mulimu. Mi mukwale wa Hae ki Wo, ‘Ubhali kufita mukwale o lozizwe kafa ni kafa,’ mwabona. ‘Mi ha muina ku Na, ni Manzwi a Ka . . .’” Mwabona? Mi Na—Na hupula . . .

¹⁴ Mwa kulwana ka mikwale, mi kuya ka mo Ni utwisis-. . . Ha ni utwisisi linzwi leliñwi lateni, kono, kamba mulao ulimuñwi wa kulwana ka mikwale. Kono, kuya ka zibo yaka hande, tipa ina ni kupunya kufita ni kwabuse. Mi he, mafelelezo, mi—mi mikwale, haba i kiya, sila ni wena mwa kiya mikwale, sina *cwana*, konakuli si lwala mata a muuna yasweli mukwale o mutabile. Kakuli, mwabona, mukwale wa hae neuka supa fa pilu yaka, mi waka usupile ku yena, kono baikiya, litipa zaluna hanze li lu taba cwalo. Mi kipeto ha banze ba taba cwalo, ni mikwale ya kolatelana. Mi yakona kubitela yomuñwi fafasi, mukwale uka mu punya fa pilu. Kacwalo si lwala . . .

¹⁵ Konakuli mukwale ni ha u li Linzwi, si lwala lizoho la tumelo yetiile ku U swala, kuli li U tise kwa pilu ya sila. Cwale, ka ku sa ziba litaba zee, kono fela . . . Kaufela ze Ni amuhezi ku Yena, ze Ni kona kubulela, Ni mi bulelezi. Ili, kuli, mwa ziba, Ni lumela neli . . . Hanili ne li Mulena luna yana ize, kaufela za Na amuhezi ku Ndate, kona za Na bulezi, mi hakuna za na patile? Mi—mi kacwalo lubata kueza lika zeo ka mo litahela fela. Cwale, haiba mukaba baba talifile luli, ni kulapela, Ni ziba kuli mu ka utwisisa taba yeñwi kapili, cwale, nto ye Ni sepa kuli ika patululwa.

¹⁶ Cwale, mwa Buka ye, ha lu apuleñi kaufela cwale mwa—mwa kauhanyo ya 5 ya Buka yebizwa Sinulo ya Jesu Kreste.

¹⁷ Cwale, kamuso busihu ki Liswayo Lapili. Kakuli, mane Maswayo apili a mane a kwaluhile, ka bapahami babane ba lipesesa, ufi ni ufi fa Liswayo lateni lene litaha mwa lifasi. Mi he, hakulata, hana kuba amatelele, konji ha se lufitile la . . . Mubulo, Labubeli, Labulalu, mwendu Labune. Mi, Ni sepa kuli, Labusikisi . . . ni la Bufaifi, Labusikisi, ni Liswayo Labusebene,

ona kwateni akaba amatelele luli. Kacwalo, mwendi aka mifa nako nyana kuli mu yo pumula fa nako nyana.

¹⁸ Lu lela kukala lisebelezo kwanu, Na lumela, ka sebene, mwa biki ya busihu. Mi Ni swanela kuba fa katala ka sebene-seti, isa kwana fela. Mi he lukona kuzwa mwahala busihu. Kacwalo—kacwalo, Ne—Ne ni fitelezi ka hola, kakusasana cwana. Ne ni sa talusi kueza cwalo, Na fela . . . Ha ni zibi fela kuli ki lili.

¹⁹ Kakuli, Ha ni zibi kuli mupahami wa pili ki mañi. Ha ni zibi Wabubeli, Wabulalu, Wabune, Wabuketalizoho, Wabusilezi, kamba Wabusupa. Na, kutofita ka nako ye, Ha ni zibi. Mwabona? Ni itingile fela ku Yena. Ki ka bakalelo, ni lika mwa biki ye, ka sishemo sa Mulimu kuli anituse, ni lumela cwalo, haiba muka utwisisa kande . . .

²⁰ Mwa ziba, ka lipono, haukoni ku patulula lika kono ha u lumeleza ku li patulula. Ki linako zekai ze mu ni utwile ni bulela kuli, “Kena mwa ndu, mwendi kuwani ika beiwa *faa*. Mi mwana yomuñwi yoo, kamba ze cwalo haana kufoliswa konji sani ha si beilwe *faa*.” Hani koni ku ba bulelela, kamba kuli Ni si shimbulule fateni. Sina ni kuba cwalo, kushenya, ka nzila yeñwi. Mutu yomuñwi una ni ku si lwala ku si shenyisa. Mi, lika kaufela liba mwa sikuka hande, kipeto zakona ku patululwa.

²¹ Kacwalo he mube mwa litapelo. Cwale, lu si ka atumela kale Buka, ha lu amboleni ku Yena, ka litho za luna inge liinami.

²² Mulena Jesu, luna kaufela ha lu ikoneli. Mane halukoni neba kulika, ka mukwa ufi kaufela, kuatumela Buka yeipitezi yee, mwa hola yekenile kufitisisa cwana ili yeo mioyo inyendaela mwa buima bwa nako, kusina kukupa, Mulena, kuli, yena Anosi fela yakona kupatulula Buka ye, kuli Atahe kwapili cwale, afuyole kuikataza ko kufokola kwa mutanga Hao. Fuyola Linzwi hanze Li ya cwalo. Ha Li zamaye mwa mata a Moya. Mi cwale mubu wa moya ha . . . bona babana ni tala ni linyolwa la kuziba za kuluka ni kuziba tato ya Mulimu, ha Li wele mwateni mi lithahise za mufuta wa Lona. Lumeleza cwalo, Mulena. Tumbo kaufela i ka ba ya Hao. Ba balapile ni baba nyolezwi bafumane sico ni sino, busihu cwana, kwa Linzwi. Lu kupa ka Libizo la Jesu, ili Yena yoo sinulo iñozwi za hae. Amen.

²³ Cwale, cwale luka lika ku apula mwa kauhanyo ya 5. Cwale, aa ha ki Maswayo Asupa. Ki pakani yeli mwahala masika a likeleke ni Maswayo Asupa. Cwale, kuna ni hape hauhanyo ya 6 ya . . .

²⁴ Mi nekuna ni kauhanyo ya 4, nitaluse, ya Sinulo, mi, ku zeo, li patuluzi taba ye ka nga sibaka mwa mulaho Keleke imana kuya. Kuli, Keleke ya ngelwa mwa kauhanyo ya 3 ya Sinulo, mi ha i kuti konji ka kauhanyo ya 19 ya Sinulo. Mwabona? Kabakaleo, Keleke ya tondahala mwa Nyandiso. Ni ziba kuli zeo za shutana ku—ku muluti ufi kaufela ye Ni kile na ambola ni yena. Kono Ha—Ha—Ha ni talusi kuba ya tabela kufapana. Ni—Ni talusa

kuba muzwale wa mina, kono Ni—Ni lukela fela kuluta kuya ka mo ni Li bonela. Haiba Ni palelwa, Hanikoni ku Li beya hamoho, mwa bona. Mi cwale, kamba I ka ngelwa mwahalimu kusika ezahala kale Nyandiso, Ni bata kungelwa mwahalimu ni Yona. Yani kona taba yaluli.

²⁵ Kacwalo, litaba zeo lusweli—lusweli ku akaleza, kakuli, hanina tuto, Ni swanisisa fela. Hani talima kubona sesili sona, kamba mo li bulelezwi mwa Testamente ya Kale, yeli mufuta wa muluti wa ye Nca, mi Nina ni mulelo omuñwi wa ye Nca mo u inezi. Mwabona? Sina fela . . . Nuwe akena mwa areka ku si ka ba kale nyandiso, mwa mufuta; kono neba Nuwe, mwabona, akena mwa areka, Enoke na shimbilwe mwahalimu, mwabona, ku si ka ezahala kale sika. Mi Lota abizwa kuzwa mwa Sodoma kusikaba kale liloteli la nyandiso lelikana, la sinyeho; kono Abrahama nali, ka nako kaufela, kwande a zona. Mwabona, mifuta.

²⁶ Kono cwale lu ka bala timana ya 1. Ni ka bala litimana zepeli za Yona.

Cwale Na bona mwa lizoho la bulyo la yainzi fa lubona buka nyana yeñozwi mwahali ni kwande, ye swailwe ka maswayo a supa.

Ki ha Ni bona lingeloi le li mata ha li bulela ka linzwi leli tiile lali, Kimañi ya swanela ku apula buka, ni ku mamulula maswayo a yona?

Mi nekusina mutu mwa lihalimu, kamba mwa lifasi, nihaiba mwatasi—nihaiba mwatasi a lifasi, yakona ku apula buka, *nihaiba ku I talima.* (Ki Buka yecwani!)

Mi Na lila hahulu, kakuli ha ku si ka fumaniwa ya lukela kuapula buka, ni ku italima.

²⁷ Cwale, mubulela za ku sa swanela? “Mane kutokwa neba ya swanela ku I talima; nekusina mutu, kai ni kai.”

Mi alimuñwi wa babahulu ani bulelela ali, Usike wa lila: bona, Tau ya lusika lwa Juda, Mubisi wa Davida, u tuzi mi ulukela kuapula buka, ni ku mamulula maswayo ayona a sebene.

Cwale Ha ni talima, mi, nabona, mwahala lubona ni libupiwa zene, . . .mwahala babahulu, kuyemi Ngunyana ya bonahala inge na bulailwe, nana ni manaka a sebene ni meto a sebene, ili Mioya ya Mulimu ye sebene ye lumezwi kai ni kai mwa lifasi.

Mi a ta anga buka ye mwa lizoho la bulyo la ya inzi mwa lubona.

²⁸ Lu ka yemela foo ka mizuzu nyana, kuzwa mwa palo ya Sinulo 5, kushetumuka fa timana ya 7.

²⁹ Buka ya Maswayo Asupa ye i sinulwa ka nako ya Mishika Yesupa ya Sinulo 10, cwale, haiba musweli mwa ñola. Ha lu

apuleni mwa Sinulo¹⁰, fa nako nyana, kuli mube ni kutwisiso lusika kena kale kuyona. Cwale, kwa ki kwa mafelelezo a nako. Kakuli, amuteeleze:

...Na bona lingeloi leliñwi lelina ni mata ha li shetumuka kwa lihalimu, siapalo sa lona ki lilu: ni nambwamutalati...fa toho ya lona,...

³⁰ Haiba mu lemuha, yoo ki Kreste, mwabona. Kakuli, Yena, mwa Testamente ya Kale na bizwa Lingeloi la Bulikani. Mi U taha kwa Majuda cwale, kakuli Keleke se ifelile. Mwabona? Ku lukile.

...mi sifatelo sa lona...ne si swana sina lizazi, mi mahutu a lona sina misumo ya mulilo:

³¹ Mwa hupula Lingeloi lani mwa Sinulo 1? Kinto ye swana. *Lingeloi* ki “mulumiwa.” Mi Kiyena Mulumiwa kwa Isilaele. Mwabona? Keleke se i ingilwe, mwabona, cwale, kamba ilibelela ku ngiwa. U tahela Keleke ya Hae. Cwale mutokomele.

Mwa lizoho ne li sweli buka nyana ye apuzwi:...

³² Cwale, *fa*, ne I kwalilwe fa ni ku swaiwa; mi *fa* I apuzwi. I se i apuzwi. Kuzwa ka nako ya foliso yani, yelukena kuyona busihu boo, cwale Buka i apuzwi. “Buka nyana mwa lizoho la Lona, ku la Lona...Ne i apuzwi. Oh, mane lizazi, sina misumo...” Mulibelele fela fa muzuzu. Haluboneni ni kalele kubala mwa mulaho nyana.

Mwa lizoho ne lisweli buka nyana ye apuzwi: La hatisa liutu la bulyo fa liwate, la bunzohoto a li hatisa fa lifasi,

Ki ha la huwa ka linzwi lelituna, sina tau ha i lila:...

³³ Lu ziba kuli ki Yona Tau ta lusika lwa Juda. Kulo *fa* Ki Ngunyana; *fa* Ki Tau. Mwabona?

...mi ha li huwa, mishika ye sebene ya pula ya utwisa manzwi a yona.

³⁴ Cwale, Joani na filwe musebezi wa kuñola a za na boni, kacwalo muapositola, ni mupolofita, byangula siñoliso ni ku Li ñola.

Cwale mishika ya pula haise i utwimize manzwi ayona, ne nili Ni ñole litaba zeo: mi Na utwa linzwi lelizwa kwa lihalimu le li li, Tiisa ka liswayo ze bulezwi ki mishika ye sebene, u si ke wa li ñola.

³⁵ Cwale zeo kona ze lu sa zibi. Zeo ha li si ka patululwa kale. Ha li yo mwa Manzwi a Kenile, zene bulezwi ki Mishika ya pula yani.

Mi lingeloi lene Ni boni lihatile fa liwate ni fa lifasi la yemiseza mazoho a lona kwa lihalimu, (cwale amuteeleze)

Mi la tapanya ka luci ka ya pila mwa linako ni linako, yena ya ezize lihalimu, ni ze kulona, ni lifasi, ni ze . . . ku lona, ni . . . kuli ha ku sana tiyeho:

36 Mutokomele! Ki ye fa timana ye Ni bata kufita kuyona.

Kono mwa mazazi a linzwi la lingeloi la bu sebene, nako ye li ka utwisa linzwi la lona, kunutu ya Mulimu i ka petahala, mo ne ba bulelezi bapolofita batanga ba hae.

37 Cwale, mwabona, kunutu ya Buka ya Maswayo Asupa ye li ka patululwa kwa ku utwahala kwa linzwi la Liñusa la lingeloi kwa keleke. Mwabona? “Lingeloi la busebene li kala ku utwahalisa muhuwo,” mi kuna ni Mañusa añozwi fa, mi luna ni Ona fa tepu ni mwa mufuta wa buka. Cwale, “Kwa makalelo a ku utwahalisa kwa Liñusa, kunutu ya Mulimu ika patululwa, mwabona, ka nako yeo.” Cwale lu ka lemuha. Buka, ya likunutu za Mulimu, haisika patululwa kufitela Liñusa la lingeloi li utwahaliswa.

38 Cwale, litaba ze li kaba butokwa mwa Maswayo, Na ziba, kakuli Za swanela, mwa mikwa kaufela, kutamaha hamoho.

39 Cwale, Li ñozwi ka likunutu, kakuli hakuna mutu, kai ni kai, ya na Li ziba. Mulimu fela anosi, Jesu Kreste, mwabona. Cwale, kono ki . . . Ki Buka, ki Buka ya Likunutu. Ki Buka ya Kuliulula. Lu ka kena ku zeo, fa nako nyana. Mi cwale lu ziba kuli Buka ya Kuliulula haina ku utwiwa ka bunolo; Ki alungutilwe, kuya ka masika a likeleke ze silezi. Kono kwa mafelelezo, lingeloi la busebene ha likala ku utwisa linzwi la likunutu likunutu za lona, u feleleza litaba kaufela ze si ka tamiwa hamoho zene ba siya babañwi bani. Mi likunutu lizwelela ku Mulimu, sina Linzwi la Mulimu, ni ku patulula sinulo kaufela ya Mulimu, mi Toho yabumulimu ni lika zeñwi kaufela li tomahanyiwa hande. Likunutu kaufela, peu ya noha, ni zeo kaufela, lina ni ku patululwa.

40 Cwale, mwa bona, Ha ni ipangeli zeo. Zeo kona . . . Zeli KISONA SA BULELA MULENA. Ni ka I bala kuzwa mwa Buka, “Ku utwahala kwa Liñusa la lingeloi, kunutu ya Mulimu ika feliswa, zeo ki ze bulezwi ki bapolofita ba Hae babakenile,” bao ki bapolofita baba ñozi Linzwi. Ka kuutwahala, kwa keleke ya lusika lwa busupa, lusika lwa keleke ya mafelelezo, litaba kaufela ze si ka felelela hande, zebile teni mwahala masika a likeleke zebulezwi, lika feliswa hamoho.

41 Mi cwale Maswayo ha sa mamuzwi, ni kunutu ku patululwa, kona kutaha Lingeloi, yena Mulumiwa, Kreste, inze lihatile lihutu la Lona fa liwate, ni nambwamutalati fa halimwa toho ya Lona. Cwale, muhupule, lingeloi la busebene le li mwa lifasi ka nako ya Kutaha kwaa.

42 Mane sina Joani mwa na fe4zi liñusa la hae, nako yeswana yana tile ka yona Mesia mwa mazazi ateni. Joani na zibile kuli na ha Mu bona, kakuli na ka Mu zibahalisa.

43 Mi lu lemuha cwalo, mwa Mañolo, ku Malaki 4, ku lukela kuba ni ya swana sina Joani, ili—ili Elia ku yoo Linzwi la Mulimu lina ni kutaha. Mi una ni kupatulula, ka Moya o Kenile, likunutu kaufela za Mulimu, ni ku kutisa Tumelo ya bana kwa tumelo ya bashemi ba baapositola, ku kutisa likunutu ze kaufela ze bulezwi linako kamukana, mwahala lilimo za likopano zee. Cwale, zeo lona ze bulezwi ki Linzwi. Na musebezi wa ka ki ku Li bulela fela. Mwabona? Li—Li ñozwi, li lukile. Kona mo Li inezi.

44 Cwale, lubona kuli Buka ya Maswayo Asupa ye, cwale, kona kunutu ya puluso. Ki Buka ya Puluso, yezwa ku Mulimu.

45 Cwale, likunutu kaufela, ka nako ye, lina ni kufeleezwa ka muhuwo wa mulumiwa yoo. Cwale, kile *fa* lingeloi fa lifasi; mi “leliñwi” Lingeloi, Mulumiwa yana ni mata, la taha fafasi. Mwabona, lingelo *le* neli lingeloi la lifasi, mulumiwa; kono *ki* Leo litaha fafasi kuzwa kwa Lihalimu, ka bulikani bwa nambwamutalati, mwabona, yoo ulukela fela kuba Kreste.

46 Inge fela mo ne kuinezi mwa Sinulo, kauhanyo ya 1, “Inza yemi mwahala Likandela za Gauda ze Sebene, ni nambwamutalati, ha talimwa inge licwe la jasper ni sardius.”

47 Mi fa ki yo Wa kuta, mwa kauhanyo ya 10, kasamulaho wa nako ya kutaha yakuli likunutu kaufela lina ni kufeleezwa ni Maswayo abe a mamululwe, ni kupatalaza kuli kuli, “Nako se ifelile.” Mi ki Hali, “Nako yeo lingeloi la busebene ha li kalisa ku utwahalisa muhuwo wa lona, kipeto kunutu ya ilukela ku feleezwa, mi nako ya Lingeloi kuli libonahale.” Lu sutelezi luli, kokuñwi. Kiniti. Cwale mulemuhe.

48 Maswayo Asupa kona asweli kunutu ya Buka. Kufitela lubona sa swaile Maswayo Asupa ani, lusweli fela ku akaleza litaba zeo. Kakuli, sina ha Ni mi bulelezi, kakusasana cwana, fa Liñusa laka leli nyinyani kakusasana wo, la Mulimu kuipata mwa bunyinyani. Mwa bona, lu—lu luna... Lu ka palelwa kubona taba yebutokwa luli konji haiba I tiya hande, mi ipatululwe ka swanelo ki Moya o Kenile, ni kupakiwa ka kuswana. Mwabona? Haiba mupolofita ataha ni ku mi bulelela kuli Se kona fela ona Sani, mi Mulimu ha si ke kupatulula zateni, mulibale zecwalo. Mwabona? Kono Mulimu, mwa taba ifi kaufela, mwa sika kaufela, una ni ku Si paka, ku Si patulula hande. Mwabona? Kacwalo, bana ba Hae baka bona lika zeo, mwabona, mi ba tone, mulemuhe.

49 Maswayo Asupa mwa Buka, ana ni... Maswayo Asupa ao kona aswaile Buka. Mwabona? Haili Buka iswailwe luli. Kana mwa bona cwalo? [Kopano ili, “Amen.”—Mu.] Buka kwateni ki Buka ye swailwe konji Maswayo Asupa a tamululwe. I swailwe ka Maswayo Asupa. Cwale, zeo za shutana kwa Mishika Yesupa.

Mwabona? A ki Maswayo Asupa mwa Buka. Mi Buka haina kuba, Maswayo hana ku mamululwa konji ka Liñusa la lingeloi la busebene. Mwabona? Kacwalo lu—lu lusweli ku akaleza; kono sinulo ya luli ya Mulimu ika petahaliswa mwa muhuwo wani, wa Niti ye pakilwe. Cwale, ona seo kona se si bulezwi ki Linzwi, “Kunutu ina ni kutalelezwa ka nako yeo.”

50 Mi Buka ya Maswayo Asupa ye, muhupule, ne I kwalilwe mo, mwa Sinulo kauhanyo ya 5, mi mwa Sinulo kauhanyo ya 10 I kwaluhile.

51 Mi cwale lu ka bona se i bulela Buka mo I ka kwaluhela. Mi ha i si ka zibahala kale konji Ngunyana ha sa ngile Buka, ni ku mamulula Maswayo, ni kuapula Buka. Mwabona? Ngunyana ina ni kunga Buka.

52 I patilwe. Cwale amuhupule, “Ne kusina mutu mwa Lihalimu, nekusina mutu mwa lifasi,” pope, boshopu, muika, mutoneli wa tolopo, kamba abe yacwani kaufela, “yakona ku mamulula Maswayo ani, kamba kupatulula Buka, kwanda Ngunyana.” Mi lu alungutile, ni kuakaleza, ni kusitatala, ni ku kwandanga, mi—mi leo kona libaka haluli mwa kulyangana ko kucwana.

53 Kono ka sepiso ye Pahami yakuli Buka ya Puluso ye ikone ku kwalulwa hande ki Ngunyana, mi Maswayo ateni aka tamululwa ki Ngunyana, mwa mazazi a maungulo mona mo lupila cwale. Mi ha si ka zibahala kufitela Ngunyana anga Buka ni kukwalula Maswayo ao. Kakuli, muhupule, Buka ne i swelwi mwa mazoho Yana inzi fa Lubona. “Mi Ngunyana itaha ku Yena ya inzi fa Lubona, ni kunga Buka mwa lizoho la Hae la bulyo.” Unga Buka! Oh, zeo litungile. Lu ka lika ku linolofaza haiba lukona, ka tuso ya Moya o Kenile. Cwale lu itingile ku Yena. Mi lu ka bona, kasamulaho, ki kwa nako ya maungulo, “Foo nako ha se i fela.”

54 Hakuna likopano ze na ni tukelo ya kutoloka Buka. Hakuna mutu yana ni swanelo ya ku I toloka. Ki Ngunyana Ya swanelo ku I toloka. Mi Ngunyana ki Yena fela Ya kona ku Li bulela, mi Ngunyana ki yena ya eza Linzwi kuzibahala, ka kupaka ni kutisa Linzwi kwa Bupilo. Mwabona? Kicono! Mulemuhe. Mi ha li si ka patululwa konji. . .

55 Buka ye haina kupatululwa konji masika a likeleke ni a masika a likopano ha sa felile, “mi hakusana kuba nako hape.” Mwabona nji? Li patuluzwi fela kasamulaho wa masika a likeleke ni masika a likopano ha sa felile.

56 Ki kabakaleo taba yeteni haili mwa buino bo bucwalo busihu boo. Mwabona, ba ipangela tuto nyana yelikani, kipeto ba matela kusili neku *le*, bali, “Ki Se fa!” Yomuñwi upamula tuto isili, u zamaela kwa neku *lisili*, uli, “Ye cwalo ki Yona!” Mi mañi ni mañi uyaha kopano mwatasa zona, kufitela ha se luna ni likopano ze mianda anda. Kono niteni, ku zeo kaufela, ka kubona

kulyangana, sicaba sisweli kulyangana, “Niti ki ifi?” Haiba boo hakona buino fela bwa kacenu!

⁵⁷ Kono he Wa sepisa, kuli, “Nako yeo ha se i felile, ku kaba kulila kwa linzwi la lingeloi la busupa, mi kipeto Buka ika patululwa, mwabona, ka nako yeo.”

⁵⁸ Cwale, musike mwa li, hakuna, “Batu bani ne ba si ka piliswa kwa mulaho kwani.”

⁵⁹ Kono, likunutu, zene ba si ka utwisisa! Mulimu ukona kuba cwani babalalu mbo, niteñi, abe Alimuñwi! Kuli Mañolo akona kubulela kuli, “Mukolobeze ka Libizo la Ndate, Mwana, Moya o Kenile,” ni kufetuha kubulela kuli, “Mukolobeze ka Libizo la Jesu.” Mwabona? Oh, lika zeñata hahulu! Kanti Eva ukona cwani kuca apule mi abe—abe ni kusinya lifasi kaufela? Mwabona? Litaba ze likona kuba cwani cwalo? Kono makunutu ani a sepisizwe ku patululwa mwa nako ya maungulo.

⁶⁰ Litaba zelikani, ze si ka tatululwa zani. . . Balwani babatuna bani batile mwa lifasi, sina bo Irenaeus, ni Martin, Muhalalehi Martin, ni Polycarp, ni babañwi baba shutana, ni Luther, ni Wesley, ni bona bani kaufela. Mwabona? Kuya ka mo batezi ni kupila fela ka nako yelikani ya—ya kutisa liseli nyana ni ku litukisa, kono basiya lika zeñata mwa—mwa lififi. Mwa mulaho kwa taha Lusika lwa Pentekota, sina Lusika lwa ba Lutheran, mi baikaba mwa mitai. Kono niteni, ku lukile, musike mwa bulela kuli ne ba si ka luka. Neba lukile. Kono kuna ni ze siyalezi, ze sakoni ku tatululwa. Kono he mwani. . . Kiñi? Maswayo na si ka kwalulwa kale, kuli apatulule hande ze ne taluswa ki litaba zee. Mwabona?

⁶¹ Kono he, mwa lusika lwa mafelelezo, makunutu a kaufela ana ni kupatulula hande. Mi Maswayo aka lukela kukwalulwa ki Ngunyana, ni kupatululela kwa Keleke, mi kona ku ka tatama kufela kwa nako. Mwabona? Ha ki bunde ni boo! Mi, Buka yeo, kanti, ki Buka ya Puluso. Kakuli, kuzwa foo I zwelapili cwalo. . .

⁶² Mi luka tisa mwateni, kasamulaho nyana, ka mo baba handeleti ni fote-foo sauzande mo ba kenela mwateni, ni zeñwi cwalo. Ku lukile. Yoo ki Mujuda.

⁶³ Cwale, cwale, Paulusi. Ha lu baleñi hanyinyani hape. Ni nge amañwi a Mañolo aa, mi Ni sepa kuli luswanela ku—ku Abala. Cwale ha lu apuleni kaufela luna; Paulusi, mwa Maefese 1.

⁶⁴ Buñata bwa bona Ni bona kuli basweli bañola. Bana ni libuka zabona mi basweli kuñola Mañolo ao, ku añola mwa Bibele zabona, ka kutatamana. Kacwalo, zeo—zeo ki zende. Ni tabela kuli muezange ona cwalo, mi kipeto hamuya kwa mandu mu yo Abala. Mwabona? Mi—mi haiba wa Abala, wena kasibili, kipeto uka—uka Autwisisa hande. Mwabona? Mu Abale fela, ni kukupa Mulimu ku kutusa ku utwisisa.

65 Cwale ha lu baleni li—li Liñolo le Ni ñozi fa. Maefese 1:13 ni 14, cwale.

Yena yo lu inzi ku yena, isamba muutwa linzwi la niti, yona evangeli ya kupiliswa kwa mina: mi hape. . . hamuse mulumezi kuyena, mu swailwe nombolo ka Moya o kenile ono sepisizwe batu,

Ona ki swalele ya sanda sa luna kufitela nako ye Mulimu aka liulula ba ituwezi, kuli ku lumbekwe kanya ya hae. Mwabona?

66 Cwale, halunze luapuzi Liñolo leo, ha lu. . . Mwabona, Moya o Kenile fateni foo, ona Kasibili, ki Swayo. Moya o Kenile ki Swayo. Mi Swayo ipaka (sikamañi?) musebezi ofelile, Moya o Kenile kakuba Swayo ku mutu. Mi ku yena mutu yoo, ha sa amuezi Moya o Kenile, kipeto nako ya hae ya kutonga ifelile, mwabona, kakuli ki musebezi o felile.

67 Sina, mo ne Ni sebeleza kwa kampani ya njanji, mi ne lu longanga bipongisi mwa limota bya makapa ni lika zeshutana ze sa zo pangiwa. Mi, kono, he, mota yeo i si ka swaiwa kale, mutikitibi na tahanga, kutobona haiba mota yeo i longilwe hande. Haiba nee, [Muzwale Branham ukambela mazoho hañwi—Mu.] ka nako yapili isa sitatala fela fa sika, ika hasanya libyana ni ku li sinyo, mi—mi kampani ya njanji ne i fiwa mulatu. Mi mutikitibi na tatuba lika kaufela, kubona haiba li pakicilwe hande. Haiba ha li si ka longiwa hande, uka hanisa mota yeo kufunduka. Mi neluna ni kuilonga sinca hape, kufitela mutikitibi aikolwisisa kuli kulikani. Mi cwale mutikitibi ha sa ikolwisize, uka kwala sikwalo. Mutikitibi ki yena yana kwala sikwalo. Kipeto mutikitibi ubeya liswayo ku yona, mi hakuna ya lukela kuzwisa fateni liswayo leo konji i yo punya ko i libile.

68 Kona so bile u eza Moya o Kenile. Mwabona? Ki ona oya mi Wa tikitiba. Kona ha mu sa bi ni lika zee. . . Mu li, “Ni bulezi ka malimi, mi Ni huwile, mi Ni binezi mwa Moya.” Zeo halina sa kueza ni Ona. Mwabona? Moya o Kenile uka tikitiba mutu yoo kufitela A ikolwisisa ni kuziba kuli u kwanile hande.

69 Mi, kihona aka swaiwa kuliba kwa Kuyakuile kwa hae. Hakuna sesikona ku mamula Swayo yeo. Bibe. . . Musweli kuñola Mañolo a mina. Maefese 4:30, ili, “Musike mwa halifisa Moya o Kenile wa Mulimu, o muswailwe ka ona kuisa Lizazi la Kuliululwa kwa mina.” Mutokomele linzwi leo, “kuliululwa,” mwabona. Kufitisa lizazi leo Buka ya Kuliululwa i patululwa, mi Muliululi atahe ku tonga maluwo a Hae! Hakuna zekona kueza cwalo. Mwabona? “Musike mwa U halifisa.” Muine. . . Mueze lika ze tabisa Mulimu, kakuli Buka i swalwe, cwale, mi mu swailwe ni mina. Moya o Kenile, Kasibili, kona Swayo.

70 *Swayo* ipaka. . . Cwale, a ki manzwi e Ni ngile mwa buka ya litaluso za manzwi. *Swayo* ipaka “musebezi o felile.” Mi cwale Swayo ya Busebene ba se i kwaluhile, kunutu ya Mulimu

ye swailwe mwahala Maswayo a likunut ao ina ni ku feliswa. Kufitela lizazi le i kwaluha Swayo yeo, mi kona ika patulula ze li mwahala Yona.

⁷¹ Haiba mutu ha zibi hande zeli mwa mota, ukali, “Ku lukela kuba sa *kuli-ni-kuli*. Ku lukela kuba zeo.” U sweli ku akaleza fela. Kono cwale swayo ha i zwisizwe fateni, mi ni sikwalo si kwaluhile, lwabona mwahali ni kubona hande zeli mwateni.

Mwa bona nji? Mi zeo likona fela kuezahala kwa mafelelezo a nako.

⁷² Nto yeñwi yepaka Liswayo, ki “buñi bwa sika.” Mwabona, Swayo ina ni nombolo ku Yona, kubonisa buñi bwa sika. Ha u lekilwe ka Mali a Jesu Kreste, ni kuswaiwa ka Moya o Kenile, ha u sa li wa sika kaufela sa lifasi. So li wa Mulimu.

⁷³ Nto yeñwi, kikuli, Swayo shangwe ki “silelezo.” Swayo italusa kuli u silelelizwe. Cwale, mina ba ba sa lumeli mwa silelezo ya Kuyakuile, Ha ni zibi, mwabona. Kono cwale, kono, Swayo ipaka silelezo ku yo punya ko ilibile. Bumai ki bwa mucaha yalika ku kwalula Swayo yeo! Mi Swayo ya Moya o Kenile haikoni ku takulwa.

⁷⁴ Mina kaufela mu ni utwile ha ni bulela cwalo sicaba kuli, “Ki diabulosi ya ni ezisize nto *ye*.” Batili, batili, diabulosi ha kiyena ya ezize cwalo. No si ka swaiwa fela kale mwahali. Kakuli, ha u swailwe mwahali, yena ukwalezwi kwande. Eehe. Mwabona? Cwale, u zwezi fande ku yena. Uh-huh. Yena hakoni kukena ku wena, kakuli mukwa fela unosi wakona kutaha ku wena ki kutaha ka mukwa o swa ono keni ka ona. Una ni kupiliswa, akeniswe, mi atazwe ka Moya o Kenile, fohe kipeto ukaba muzwale wa hao. Kacwalo, mwa bona, kacwalo ha—ha si ka lieza. Batili, batili. Wena uile fela kwa museto wa hao ni kukuta, wa yo lakaza lika za lifasi. No si ka zamaya musipili kaufela kufita kwa Kanana, mwa bona, kusila Jordani, kushwa kwa neku la hao. Mwabona?

⁷⁵ Cwale amulemuhe, cwale, Buka ye i swailwe. Mi—mi u swailwe, ni Buka, kuisa Lizazi la Kuliululwa.

⁷⁶ Hape, mwa Maroma 8:22 ni 23. Ha lu italimeñi, mi lukafa makalelo a yona, mi Ni nahana kuli luka Li utwisisa hande haiba mañi ni mañi a ipalela Zona yena anosi. Na mifa Mañolo nyana fa, kuli lu kone—lu kone ku Atalima, mi cwale hola ha i sa li yenyinyani. Cwale, 8, Maroma 8:22, ka kukala.

Kakuli lwa ziba kuli zebupilwe kaufela li tonga hamoho mi hamoho li utwa butuku bwa kupepa kufitela cwale.

Mi ha si zona fela, kono ni luna hamoho, be lutamuna za Moya, e ni luna lutonga mo ku luna, lu nze lu libelezi kubeñwa bana, ili ku liululwa, kwa mubili wa luna.

77 Oh, mawi! Oh, mawi! Hanili seo si lueza kuikutwa hande luna basupali? Si lukela ku lutabisa kaufela, lu libelezi hola yee. Lu utwisisa kuli se si kanga sibaka ka nako ya zuho. Mwabona? Zebupilwe za tonga. Lusweli kutonga. Lika kaufela zatonga, kakuli lu lemuha kuli kuna ni se si sika luka. Mi mukwa o mukona kutonga ka ona, ni kulibelela cwalo, kakuli kubile Bupilo bobunca bobu tahile *mwateni*, bobu bulela za Lifasi lelinca.

78 Sina musala ka fa, ha ki kale hahulu, ne luile kwa musika. Mi Na li, “Lu fumani nto yenca; kalibe ya tinile ndelesi.” Mi neli nto yenca luli, mwabona. Bona, kiba. . . Mane buñata bwa bona ha ba tinangi lindelesi, mwa bona. Mi, fokuñwi, ba itibala; ba zwela kwande kusina liapalo. Kacwalo he luna. . . Ba itibala kaboomu fela.

79 Mi kacwalo, he, Meda ali ku na, ki hali, “Bill, kiñi hakuli cwalo?” mi ali.

80 “Oh,” se Nili, “ki simoya fela sa naha.” Mi se Nili, “Ha mu ya kwa Germany, bana ni moya o shutana. Muye kwa Finland, bana ni moya wa naha yateni. Hamutaha kwa America, luna ni moya wa naha.”

81 Moya wa luna wa naha ki wa lipapali, lisheha. Mwa ziba libaka? Ne lu yahilwe fa mutomo wa Tuto ya baapositola. Lu yahilwe fa zamaiso ya baana babatuna, sina Washington, Lincoln. Kono lu kuluhezi kusili kuzwa kwa mutomo woo, mi luziba kuli luna ni zona zataha. Lu ziba kuli bomba ya atomi ina ni libizo la luna kuyona. Lu ziba kuli butanga bu kwa pili aluna. Hakuna mukwa wa ku i kangabeka.

82 Za ni hupulisa, sina babañwi ba batu ba lisheha baa, babaya inge—inge babulela litaba za lisheha zee, ni kuzwelapili, mi basali bazwelapili cwalo mo ba ezeza, ni baana, hamoho. Si ni hupulisa fela mushimani yomunyinyani ya zamaya mwa mabita, inge asweli kuliza muloli, ulika kuikeza kuli hana sabo. Luli, wa saba. Mwabona? Hakuna yasweli kupuma. Kona hasweli kuliza muloli. Mwabona? U sweli kulika kubulela kuli hasabi, kono wa saba. Mi boo kona butata, bwa kacenu.

83 Kono, oh, ha ki sepo yende ni yeo ku mulumeli, koo ki kunanula mazoho aluna kwa puluso ye li bukaufi. Ha bona litaba ze bonahala zee, ki nako yende ku mulumeli.

84 Cwale, litaba ze, kuli, kutonga kwa mwa mibili ya luna. Kana mukile mwa lemuha kota, mo i ikataleza mwa bupilo? I bata kupila. Mi mulemuhe kuli folofolo iliñwi, kuli mwa—mwa lifu, mo ii kataleza. Mu talimele mutu, lika kaufela, ze bupilwe za tonga. Luna, ka luna bañi, lwa tonga. Mwabona? Lu ziba kuna ni se si fosahalile. Lwa bona, kuzwa mwa litimana zee, kuli kuna ni se si latehile, bubeli bwa mutu ni lifasi. Zebupilwe za mufuta kaufela, i latehisize sika, kakuli lubona zeo ka Linzwi

leli susumelizwe le kuli lisweli kutongela nto yeñwi. Wena, ha u tongi konji haiba kuna ni libaka la zeo.

Sina ha Ni bulezi za enge, ki libaka.

⁸⁵ Kona mo kuinezi ni ka za kulapelela bakuli; kufitela mufumana libaka lateni! Ni ziba kalafo, kono Ni lukela kufumana libaka. Kona libaka lipono hali tokwahala hahulu mi ki za butokwa; li patulula likunutu za lipilu, li bulelela mutu fo ezize mafosisa, ni sa kueza. Mwabona? Hakuna taba kamba unwa mulyani ocwani, kamba ki mafula akuma kai aka seliwa fa toho ya hao, kamba mutu uka ukalumuka cwani fa toho ya hao; haiba kuna ni sika se si fosahalile, uka ina ona foo. Ni li, “yena,” ki Satani.

⁸⁶ Mwabona, kacenu, ka butali bo lunani, mwa milyani, niteni hakuna ze lu ziba ka litaba zee. Mu li, “Una ni kansa.” Kihande, seo ha ki sika mane. Seo, seo—seo si bulele libizo la zona. Seo sifa fela libizo la za milyani, kansa. Zeo halina za kueza ni sesili teni. Leo ki libizo mo lu li bizeza. Lu ibiza felaka libizo la kuli, kansa. Kono, luli, seo sili sona, ha mu li shetumuna, ki diabulosi yaswana.

⁸⁷ Cwale, lu li, “sibi.” Lu si biza fela ki sibi. Mu itise fafasi. Sibi ki sikamañi? Batu babañata ba li, “Kunwa, kueza boozwa.” Batili, batili. Yeo kona milelo ya sibi. Mwabona? Kona zetiswa ki sibi, mwabona. Kono sibi sa niti ki ku salumela. Foo kona fokuna—fokuna ni libizo ni kubizezwa kwande. Haiba u mulumeli, ha uezi lika zeo. Kono hakuna taba kamba u yakenile cwani uli kukeza cwalo unosi, ni mobezi wa bulapeli luli mo kona kubela; haiba ueza lika zeo, ha u mulumeli. Zeo ki za Mañolo.

⁸⁸ Cwale, kuna ni se si latehile, mi sa tonga. Ki kulika kukena mwahali, kuli likutele kwa makalelo a zona.

⁸⁹ Kana munahana kuli kuna ni sesikona kuwa mwa lifasi, ku yo punya mwa buliba bwa musima kokuñwi, mi neli kuikataza, kupahama, kuhoha? Ba swanela, ka mukwa omuñwi, zwa mwa musima woo. Haliyo mwa buino bwa zona bwa makalelo. Mi, kaniti, basweli bahuwa. Basweli kuwisa mamota, baeza lilata, kamba kueza ka nzila yeñwi. Lisweli—lisweli kutonga bakeñisa kuli libata kukutela mwa buino bwazona bwapili.

⁹⁰ Ki kabakaleo mutu, ya natilwe ki butuku, uikutwa butuku mi za opa. Nako yeñwi nasiyo cwalo, kono usweli wa tonga. Kiñi? Ha ikutwi hande. Kuna ni se si fosahalile. Mi usweli wa tonga, ni kulika ku kutela kwa nainzi inge aiketile mwa mubili.

⁹¹ Mi cwale ze bupilwe ni sicaba, sina Bibebe ha ibulela, “lisweli zatonga,” kubonisa kuli kuna ni sesiñwi, kuli ha yo mwa buino bo a lukela kuba kubona. U wile kuzwa kokuñwi. Cwale, ha lutokwi kuli mutu alu tolokele zeo. Mwabona? Kakuli, eeni sha, lu ziba kuli neli Bupilo Bobusafeli, ko ne li wezi. Mi u latehisize buipapati bwa hae fa Bupilo Bobusafeli, ka nzila ya Adama ni

Eva, ya wile kwa Bupilo Bobusafeli, kwa lifu, mwa simu ya Edeni, ni kutisa zebupilwe kaufela, mwatasa bona, kwa lifu.

⁹² Kota ne i si ka shwa fateni, Adama asikaba teni kale. Folofolo ne i sa shwi, Adama asika ba teni kale. Mi kuna ni fela nto iliñwi ye sa koni kushwa, mi yeo ki Mulimu, kakuli Yena ki wa Kuyakuile. Mi yeo kona fela nzila inosi yelukona kuba lu sa shwi, luna ni kuba ni Bupilo Bobusafeli ku luna, kuli lube bana babashimani ni basizana ba Mulimu.

⁹³ Kono ha lu shwa, sina ha Ni bulezi mwa Liñusa la kakusasana woo, kwa sibi, lu lekisize tukelo za kupepwa kwa luna ni kusila mwandala woo. Cwale lu kwahule a kuswala Mulimu, kwa neku leliñwi le la mwandala. Cwale, eni sha, nako ya wa Adama, kuwela mwa lifu, atisa lifu kwa libupywa kamukana.

⁹⁴ Cwale, afiwa tukuluho ya kuiketela. N eli filwe ku bona sina ku luna, kuli lukezeze buiketelo. Cwale, Adama ni Eva, kwa simuluho, nekuna ni kota ya bunde ni ya bumaswe fapila bona, mi yona kota yeswana yani ibelilwe fapila ufi ni—ni ufi kaufela waluna. Mwabona, Mulimu haezezi Adama kamba ku Eva. . . Mu li, “Kihande, ki mulatu wa bona.” Batili, ha ki cwale ha ki cona. Ki mulatu wa hao. Ha mukoni ku li kasheza ku Adama cwale. Una ni kuipeya zona ku wena muñi, kakuli bunde ni bumaswe buyemi fapila hao. Lu fa mayemo aswana sina Adama ni Eva.

⁹⁵ Kono, mwa bona, ha lu liuluzwi, ha lu sa tabela kuba ni keto ya luna fela, kono lu bata keto ya Hae. Mwabona? Mwabona?

⁹⁶ Cwale, Adama ni Eva neba bata buiketelo bwa bona fela. Ne ba bata cwalo, neba bata kuziba kuli butali neli sikamañi, kacwalo ba itakaleza kuliziba, mi za ba tiseza lifu.

⁹⁷ Cwale, mutu ha liuluzwi, ha sa bilaela za kutusiwa mwa sikolo. Hasana taba kwa lika za lifasi, butali bwa lifasi. Ha tabeli kuba ni keto yeñwi nihanyinyani. Krete ki yena yabile keto ya hae, mi ki zona fela kihona. U liuluzwi. Ha sa tabela ku itamaisa anosi. Ha lati kuli mutu a mu bulelele kwa kuya ni za kueza. U libelela fela ni kufumana keto ya Mubupi wa hae. Mwabona? Mi uya ka Libizo la Mubupi wa hae, mi Mubupi a mu bulelela kuli aye. Mwabona?

⁹⁸ Kono mutu ubata butali, ubata kufumana, “Kihande, sibaka sa parish se ki sesinde luli; kono ba ni lifa hahulu masheleñi amañata kufita kwani, kacwalo Nika kwateni.” Mwabona? Mwabona, butali.

⁹⁹ Cwale, mi Adama haeza sibi, ka kuutwela munahano wa musala hae mwa sibaka sa kuutwela Linzwi la Mulimu, kona ze ne ezisize Adama sibi. Musala hae na nahanile ni Satani, mi ki ha tisa ku Adama zana utwile, mi Adama akeshesha Linzwi kusili mi a i tekisa.

100 A lateha, ni, sanda sa hae cwalo, ha latehelwa ki tamahano ya hae ni tukelo kwa Bupilo. Muhupule, “Zazi le mu ka ca ku yona, kona zazi le mu ka shwa.” Mi ha latehelwa ki Bupilo bwa hae, alatehisa hape ni sanda sa hae mwa bupilo, kakuli nana ni tamaiso yetezi luli ya lifasi. Nali mulimu wa lifasi. Mulimu ki Mulimu wa pupo yoote, kai ni kai. Kono mwana Hae nana ni lifasi le mwatasa zamaiso ya hae. Na kona kubulela, nakona kubeya mabizo, nakona kubulela, nakona kuyemisa pupo, nakona kueza sika kaufela sa na lata kueza. Mwabona? Kono, nako yatoeza cwalo, alatehisa sanda sa hae.

101 Cwale, Adama na bulela kuli, “Lilundu le, fa, li shenyeze faale,” mi ne li shenya. Adama na bulela kuli, “Kota ye, faa, ikumuhe mi icalwe faa,” neika ba cwalo. Mwabona? Kakuli nana ni zamaiso yetezi, ya mata atezi, inge mulimu yomunyinyani mwatasa Mulimu Ndate, kakuli nali mwana Mulimu.

102 Cwale lusike lwa yema fa nako nyana kulofa nji! Mwabona? Oh! Kanti, haiba Mali na li kenisize, kucwani ka nako ye? Mwabona? Mutalime Mwana Mulimu yani, Adama wa bubeli, sa naezize. Mwabona? Kakuli naize, “Misebezi ye Ni eza, mu ka i eza ni mina.” Mwabona?

103 Adama na latehisize sanda sa hae, fa lifasi. Cwale, lazwa mwa lizoho la hae kutaha ku yo na li lekisize teñi, Satani. A lekisa tumelo ya hae ku Mulimu, kwa ku nahana fela kwa Satani. Kabakaleo, Bupilo bwa hae bwa Kuyakuile, tukelo ya hae yakwa Kota ya Bupilo, tukelo ya hae kwa lifasi, neli ya hae, mi a itoboha siemba sa zona kaufela kwa mazoho a Satani. Ali zwiwa mwa mazoho a hae kuya ku Satani. Kabakaleo, cwale, ku se kubile, li fetuhile mi li tampakanile. Mi peu ya Adama i sinyize sanda seo Adma nalekela kuba ni sona, leo ki lifasi. Yeo ki niti, mwabona, peu ya Adama.

104 Ne ni yemi, zazi leliñwi, kwani kwa Tucson ko Ni pila. Mi Ne ni sweli kuambola ni mutu, neli fahalimwa lilundu, inge lutalimela fafasi. Se nili, “U nahana sikamañi! Zeo, ki lilimo zetalu kwa mulaho, Papago wa mucembele na taha ni sileyi sa hae, ni musala hae ni bana inge bainzi kwa mulaho, inge bapahami fa sileyi balibile kulo mi bapila ka kozo luli. Nekusina boozwa, nekusina bucwala, nekusina za kulaula, nekusina zecwani mwahala bona. Neba pila ka kuluka. Mi kwa taha luwawa kwani ko—ko ne ba tapisa, busihu ni busihu, kupunya kwa Tucson kwanu, inge lulila. Cwale likota za miutwa ni mikakani za shoshela, bukaufi ni libamba. Mi Jehova atalima fatani mwendi na menya. Kono muuna wa mukuwa ataha ka nzila yeo, mi uezize sikamañi? U katile mikakani kaufela. U sinyize naha, kuitaza fela makapa a macwala ni mabotela a zekola. U sinyize buiswalo sakata bwa naha. Nzila fela ya na ka shapa musame wamu Indian neli kubulaya lico za hae, yona nali.”

¹⁰⁵ Hane Ni sweli kubala fa Licwe la libita, zazi leliñwi, mwa—mwa ndu ya bo sibuha-buhi, na yo bona maswaniso a Geronimo. Mi buñata bwa mina mukona kunahana kuli Geronimo nali mikwenuheli. Ku na, na li mu American. Na sweli fela kulwanela taba ye lukile, yana mu file Mulimu: ili mubu, ni naha, ni sibaka sa kupila ku sona. Ha ni mu nyazi. Mi cwale masole ba makuwa bani bataha kwani mi, ka kapelezo, ba hapa naha, mi aba bulaya sina libunda fela la linzinzi. Mi nekuna ni siswaniso sapili sa Geronimo kwa nkambe yetuna ya za milyani, kamba sipatela sa hae. Neli likubo zepeli kamba zetalu fa siemba sa litoze za mushakashela. Mi bona inge baikolofalize, ka niti neli ma American, ma Indian, bene ba lwanela liswanelo za bona zefilwe ki Mulimu. Mi kwani, Geronimo ni mbututu wa hae, fa noka, ayema fani inza talima balwani ba hae, kulota mali, kushwa, kusina mulyani wa penicillin kamba sika kaufela, hakuna mukwa wa kuba tusa ka ona; ka buniti, ma American baba filwe ki Mulimu! Mi ba mubiza kuli mukwenuli? Na ni mubiza kuli mutangana yomunde.

¹⁰⁶ Cochise nasike a i toboha. Nali mucembele wa muuna. Kono Mpi ya ma American, bani kaufela inge ba apezi, mi bazwela kwande ku yo bulaya nali. Ba mata mata mwa litwa, mi Sharpe apanga tobolo ya kubulaisa nali, mi yo bulela kuli, “Oh, Nenina ni lizazi lelinde kacenu,” ba kunupa, kwa matuko a—a mota ya simbayambaya, kamba mota ye lwala batu. Bali, “Ni bulaile ze mashumi amane kacenu.” Linali ze mashumi amane, ze ne ka uta lusika lwa ma Indian kaufela, myaha yemibeli kamba kufitelela. Kiñi zene ba ezize ni zona? Kambe ne baka lituhela fela kuba kwa lihalaupa. Bimbayambaya bya bona bi sinyize linaha, ni kubolisa linaha, mawawa a koci kuca litupu za lifolofolo zeo.

¹⁰⁷ Musame wamu Indian hana bulaya nali, nekubanga mukiti. Na nga litaku za yona, ni kulieza lipani fa kuhalikela. Nama yateni ne i ciwa, ku yo punya cwalo ni mala ayona. Banga nama ya yona kaufela ni ku ipaheka fa kalani kuibeka kuli iome. Mukata wa yona no yanehiwa, mi ne ba eza liapalo ni litende. Nekusina sika . . .

¹⁰⁸ Kono, ha kutaha mukuwa, mukwenuheli ki mukuwa. Ki yena kuluku yasa swalehi. Mi ataha ku to bulaya linali zani kufeza, ni kusiya ma Indian bani mwa tala.

¹⁰⁹ Muuna kaufela ya sephala uka lwanela liswanelo za filwe ki Mulimu. Kona mo izibahalela ndembela ya ma American cwalo, ze ne ba ezize kwa ma Indian bama American. Hanili neli za bona mane.

¹¹⁰ Mukona kunahana sikamañi haiba Japa- . . . Japanese, kamba—kamba yeñwi, Russia neika taha, ni kubulela kuli, “A mu zwe fa! Mukutele kafoo,” ni—ni ku lu eza hamoho ni bana ba luna mo lu ezelize ma Indian bani? Kono, muhupule, lu cezi, mi cwale lu ka

kutula. Woo kona mulao wa Mulimu, mwa ziba. Kuna ni nako ya kucala, mi ni nako ya kutulo. Ni sepa yeo imaswe luli. Eeni, sha.

111 Cwale ki sikamañi se si ezahalile? Peu ye zwakani ya Adama izwakanisize mane ni ku sinya naha. Kana mwa ziba Bibela ibulela cwalo? Mi bakeñisa kuli uezize cwalo, yona peu ye zwakani ya Adama, Mulimu uka ba yindisa. Mubata kubala seo nji? Ha lu boneñi. Nina ni yona iñozwi fa. Mu apule mwa Sinulo, kauhanyo ya 11, mi luka fumana zatani. Muye mwa Sinulo, kauhanyi ya 11, mi luka bona Mulimu za bulela ka bona babasweli kusinya lifasi. Kauhanyo ya 11, mi halungeni timana ya 18, Ni lumela kuli ki yona, 11:18. Ki fohe cwale.

Macaba na halifile, mi buhali bwa hao butahile (cwale amutalime buhali bwa Mulimu), mi nako itile ya kuatula ba bashwile, ni kufa batanga ba hao ba bapolofita, ni balumeli, ni ba ba saba libizo la hao, ba banyinyani ni babahulu; mupuzo wa bona ni kuyundisa—kuyundisa ba ba shandaula lifasi.

112 Ki sikamañi se ba ka eza? Baka kutula ze ba cezi. Luli. Ha mubona sibi simata mwa mikwakwa! Ki zekai, la Sunda busihu cwana, ki litaba zekai za boozwa ze ka ezahala busihu boo mwa muleneñi woo? Ki basali ba bakai baba ka foseza buitamo ba bona bwa linyalo, mwa musima nyana wo mwa mubu moo, obizwa Jeffersonville? Mu nahana kuli ki limba zekai ze sululwa mwa Chicago, ka mazazi a mashumi amalalu? Ki mwahala twenti-faifi ni seti-sauzande pesenti ka kweli, lu sa bali ze se bihilwe kale. ki bucwala bo bukuma kai bo banwa mwa muleneñi wa Chicago? Munahana kuli kuezahala zekuma kai mwa Los Angeles mwa busihu bulibuñwi? Ki linako zekai Libizo la Mulena ha li bulezwi ka mbango, mwa muleneñi wa Jeffersonville kacenu? Kana kihande cwale, kamba nekuli hande ha taha George Rogers Clark fa litwa la mezi a kangezi? Mwa bona, kaniti se lu sinyize lifasi ka busafa bwa luna, mi Mulimu uka yundisa baba shandaula lifasi. Mulimu ubulezi cwalo.

113 Kamita ni bile ni kupulanga kuli nekuna ni sesiñwi kuna, inge ka za kupahama mwa malundu ni kutalima Mulimu mwa ezelize lika.

114 Ni toile, Florida, ko bana ni likota za nzalu za buhata zani. Mi, oh, mawi, Ni ka tabela kubona kwena ha i zukuza muhata wa yona, kukutela mwa naheñi, kufita kubona mitinelo yani kaufela ye ba eza mwa Hollywood, ni bukabali bwabona kaufela, ni likwata za macakolwa. Mi, oh, mawi, Ni nahana fela kuli, “Zazi leliñwi! Zazi leliñwi!” Eehe.

115 Kono, muhupule, Bibe i lu bulelezi, mwa Mateu kauhanyo ya 5, kuli, “Baba ishuwa ba ka yola sanda sa lifasi.” Yeo ki niti. “Baba ishuwa ni baba musa ba ka yola sanda sa lifasi.” Jesu naize, “Mbuyoti ki ya ba ba ishuwa,” baba ikokobeza fela baba sa tabeli kuba nto isili yetuna, “ba ka yola sanda sa lifasi.” Jesu na

bulezi cwalo. Eeni. Cwale ba li shandauzi, mi ni Mulimu uka ba yundisa; kono ba ba ishuwa baka yona lifasi, ha se li kenisizwe.

116 Cwale, oh, mawi! Cwale, pampili yene hanilwe ya muña sika se ili mwa mazoho a Muñi tenyene, Mulimu Yamata kaufela. Swanelo ya buñi bwa lifasi, ni kwa Bupilo Bobusafeli, nako ya i latehisa Adama; kona kuli mazoho atezi masila a Satani apalelwa ku linga, kacwalo la kutela ku Muña lona, Mulimu Kasibili. Lu ka fumana ona cwalo, mwa muzuzu fela. Ki Yani Uinzi fa Lubona, ni lona mwa lizoho la Hae, swanelo kwa buñi bwa sika. [Muzwale Branham ukambela mazoho hamoho habeli—Mu.] Oh, seo si ni utwisa bulapeli luli. swanelo ya buñi kwa Bupilo Bobusafeli, swanelo yepakilwe ka mapampili tenyene kwa Bupilo Bobusafeli, nako ya i toboha yona Adama kwa butali, mwa sibaka sa tumelo, ya kutela mwa mazoho a Muñi, Mulimu Yamata kaufela. Ha ki taba ni yeo!

117 Ku lukile, lwa libelela. Ki sikamañi se si ezahala? Mwa mazoho a Mulimu, ulibelela lipiho za puluso. U lukisize nzila ya puluso, U lukisize nzila ya kukuta ka yona, mi zazi leliñwi Muliululi u ka i kutisa. Mwa bona fo lutaha cwale? Lu ka bona Mutangana yainzi fa Lubona. Ku lukile, kulibelela lipiho za puluso, ki kuliulula.

118 Buka ye ya Puluso ki nto mañi, yona pampili ya muñi ye, pampili yepaka muñi? “Muli, ‘pampili yepaka muñi?’” Kanti pampili yepaka muñi italusa sikamañi? Italusa kuli ialungutilwe kuyofita kwa makalelo. Kuswana inge nyana—inge lilotelile nyana la enge ya kakusasana kacenu, ha li wela mwa mulyani wani, la kutela mwa mulaho. Mi cwale sibi ha se si bakezwi ni kuwela mwa Mali a Jesu Krete, oh, mawi, sifa pampili ya muñi, kukutela ku Mubupi hape. U ba mwana Mulimu. Pampili yepaka muña sika isweli mwa mazoho a Yamata kaufela. Oh, mawi!

119 Puluso ya yona italusa zetokwahala kaufela kuya ka mulao ku za na latehise Adama ni Eva kamukana. Oh, mawi! [Muzwale Branham ukambela mazoho hañwi.] Seo sina ni kuezwa sikamañi ku Mukreste ya pepilwe sinca! Ki muswalelo wo pakilwe ki mulao wa pampili yepaka muña sika kuliba kwa Bupilo Bobuafeli, kutalusa kuli una ni lika kaufela za na latehisize Adama ni Eva. Whew! Kucwani ka zeo, muzwale? Kuba pampili yeo!

120 Adama na si ka fita ku ze tokwahala za puluso. Amano li fumana a li latehisa, na ezize sibi mi na sa kauhani ni Mulimu, nali kwa neku leliñwi *le* la mwandala, kuli apalelwa ku li liulula. Na palezwi fela kuezwa cwalo, kakuli na—na tokwa puluso, yena kasibili, kacwalo apalelwa ku lieza.

121 Kono mulao no tokwa Muliululi wa Lubasi. Mulao wa Mulimu no tokwa Muliululi wa Lubasi. Mubata kuñola taba yeo, “Muliululi wa Lubasi,” mu ka lifumana mwa Levitike 25.

122 Haluna kuba ni nako ya kufita kuzona kaufela, kakuli, mwa ziba, ifi—ifi palo kaufela ikona kutanda bu—bu busihu mutumbi. Mwabona?

123 Kono mulao wa Mulimu wa amuhela sa kuyolisa. Cwale, kucwani he kambe Mulimu na si ka fa sa kuyolisa? Kono la Mu hapeleza kueza cwalo. Kuli, mutu nasika nzia ya kukuta ka yona, mi hakuna nzila yakuli akute kayona. Na sa icongile. Kono muhau wa Mulimu wa katana Muliululi wa Lubasi yoo ku Mutu wa Jesu Kreste. Mulao no tokwa ona cwalo. Sishemo satisa ze ne tokwahala. Oh, sishemo se si makaza, ha ki muhau o munati! mulao wa Mulimu no tokwa sa kuyolisa se si sina mulatu.

124 Mi ki mañi yanasina mulatu? Mutu ufi kaufela upepile ka foso, kuya ka foso, mañi ni mañi. Mi ya si ka pepwa fela cwalo, na itobohile liswanelo za Bupilo Bobusafeli ni kuba mulena wa lifasi.

125 Oh, ha Ni nahana Liñolo leo, “Kakuli Wena u lu pulusize kukutela ku Mulimu, mi lukone kubusa ni kuba malena ni baprisita mwa lifasi.” Oh, mawi! Sikamañi? Muliululi wa Lubasi! Oh, ha ki likande ni leo lene lukaba ni lona faa!

126 Mulemuhe, mulao no tokwa Muliululi kuli aliulule libyana ze latehile. Sishemo sa kopana ni ze ne tokwahala ku Mutu wa Jesu Kreste. Muliululi u swanela kupepwa mwa lubasi lwa butu.

127 Cwale, nelukaba cwani, kanti mutu kaufela yapepilwe una ni ku . . . Mi kaufela ya sa boni kuli neli kezo ya foso kwani, kihande, ya cwalo ki sibofu sa luli, mwabona, kakuli mutu kaufela ya pepilwe u pepilwe ki musali.

128 Mi Mulimu na bata Muliululi wa Lubasi, mi U lukela kuba mutu. Oh, mawi! Mu ka eza sikamañi cwale? Mulao no bata Muliululi wa Lubasi.

129 Cwale, Na si ke anga Lingeloi. Nana ni kuba ni mutu, kakuli haluyo mwa lubasi hamoho ni Lingeloi. Lu ba lubasi ku mutu ni mutu. Lingeloi ha li si ka wa fateni. Lona ki sibupiwa sesi shutani, lina ni mubili o shutani. Lali kuba lieze sibi fateni kamba mane kutokwa. La shutana.

Kono mulao no tokwa Muliululi wa Lubasi.

130 Mi mutu ufi kaufela mwa lifasi na pepilwe ka foso. Cwale, hamuboni kuli, kwani kona ko li zwelezi. Kwani kona ko si kalezi sibi. Cwale mwabona fo si fitile cwale? Ki yo ataha, peu yamina ya noha, mwateni. Mwabona?

131 Cwale, amulemuhe, na tokwa Muliululi wa Lubasi. Mi yena Muliululi, Muliululi wa Lubasi, u swanela kupepelwa mwa lusika lwa batu. Fa, zeo li lu beya fa mutai. Kono haluboneñi ni mi lizeze Pala. Kupepwa kwa mwalanjo kwatisa mu—mu mwana. Amen. Kupepwa kwa mwalanjo kwatisa Muliululi wa Lubasi. Hakuna usili kwanda Mulimu Yamata kaufela yatilo ba Emanuele, alimuñwi mwahala luna. Emanuele! Kiyena

“Muliululi wa Lubasi” a katanyezwa. Mwabona mo Mulimu ataleleza zetokwahala, mi hakuna zelukona kueza. Kono he sishemo sa taha mwateni ni ku to apesa mulao wani, ni kutisa mutu tenyene. Amen! [Muzwale Branham ukambela mazoho hañwi—Mu.]

132 Oh, ha mu ka yo fita kwa Hae! Ha Ni ta yo ba mwa kandu ka mabala kwani; kona kaopela Muzwale Neville zateni. Kaufela mina ha mu ta yo utwa nto yeñwi kwani, kakusasana omuñwi, ye opela kuli, “Muhau o komokisa, ha ki muhuwo kwa munati, o pilisize na ya maswe cwana!” Mu li, “Kulumbwe Mulimu! Muuna muhulu Muzwale Branham u konile. Ki yani fani, mwabona.” Eeni. Oh!

Ki sishemo se si lutile pilu yaka ku saba,
Ki muhau o felisize sabo yaka;
Ka bunde sishemo si bonahezi
Nako ye Ni lumela sapili!

133 Mulibelele kufitela lufita fateni, fa nako nyana! Oh, mawi! Cwale mutalime. Buka yeo . . .

134 Buka ya Ruti ifa siswaniso sesi petehile sa se, ka mo Boazi . . . Ni Naomi mo ne ba latehezwi ki lifa. Mwa, mwa ziba. Mu ni utwile ha ni kutaza kazona, nji cwani? Amunanule mazoho haiba mu ni utwile ha ni ikutaza. Kacwalo, mwa utwisisa, mwabona. Boazi nana na ti loba muliululi. Mi nali yena anosi fela yana ka eza zeo. Nana ni kuba muliululi yani, muliuli wa fa kaufi. Mi, mwa kuliulula Naomi, anga ni Ruti. Yani neli Jesu, Boazi yana swanisisa Krete. Mi Ha liulula Isilaele, Anga ni Munyaliwa wa Bamacaba. Kacwalo he, mwa bona, ka bunde luli! Luna ni zona fa tepu, Na ziba hande, kwanu kwa sibaka sesiñwi, mu ka tabela kuba ni zona.

135 Cwale ha mulemuhe, cwale, U swanela kuba Muliululi wa lubasi. Kacwalo, mwa bona, Lingeloi ne lisike laeza cwalo. mutu nasike aeza cwalo; i lukela kuba mutu, kono hakoni kupepwa ka musali, ka kezo ya foso. Kacwalo, kupepwa kwa mwalanjo, Moya o Kenile no apesize Maria. Kabakaleo, Jesu na si Mujuda. Jesu na si wa Bamacaba. Jesu nali Mulimu. Yeo kona niti. Mali a Hae nasika zwa kwa kezo ya foso. Na li ya kenile, ili Mali a bupilwe ki Mulimu. Mi ha lu si ka puluswa ka mali a Sijuda, kamba neba kupuluswa ka mali a Bamacaba. “Lu pilisizwe ka Mali a Mulimu.” Zeo ki kuya ka Bibe. I bulela ona cwalo. “Lu pilisizwe ka . . .”

136 Kacwalo, mwa bona, Jesu neli Mulimu. Na si Mutu wa bulalu, Mutu wabune, Mutu wabubeli. Nali yena Mutu tenyene. Na li Mulimu, mwabona. Na li Mulimu, Emanuele. Mulimu atuluka kuzwa mwa Kanya ya Hae, aipatulula ili Yena. Na lata likande leo, la Booth-Clibborn, yona pina yende yani.

Kuzwa kwa Kanya ya Hae, ki likande le lipila
ni cwale,
Mulimu wa ka ni Mupulusi ataha, mi Libizo la
Hae neli Jesu.

Apepwa mwa sicelo, ku ba Habo aba muenyi,
Mutu wa maswabi, mioko ni manyando. Oh!

Ki kuishuwa kokucwani ko ku lutiselize
puluso;
Kanti mwa lififi la busihu, kusina neba pono
iliñwi ya sepo;
Mulimu, yomunde yabunolo, alula bunde bwa
lifa la Hae,
Aikokobez kuli apuluse moyo waka.

O mo Ni Mu latela! Mo Ni Mu kutekela!
Bupilo bwaka, lizazi laka, zaka zoote
kamukana!
Muliululi yomutuna atoba Mupulusi waka,
Mubupi yomutuna atoba Mupulusi wa ka,
Mi mutalelela wa Mulimu kaufela uina ku
Yena.

137 Yoo ki Yena yana fitile fa likalulo zaluli. Sishemo kona sene sitisize Mutu tenyene ili Jesu Kreste. Mi lufumana cwana, mwa Buka ye cwale. . . Mulimu na yanduluzi tende ya Hae, azwa ku Mulimu, atoba Mutu. A cinca kalulo ya Hae, kuzwa kwa kuba Yamata kaufela, kuba fela Mutu; kuli ange mufuta wa mutu, kacwalo A to shwa, kuli aliulule mutu. Mulibelele kufitela lu yo Mubona, hokusina neba yomukana “yana swanela.” Mwabona? Ku lukile.

138 Mwa Bibebe, mwa Buka ya Ruti, hamunze mubala cwalo, mu ka fumana kuli, mutu yacwalo na bizwa “goel,” g-o-e-l. Na bizwa goel, kamba, neli mutu yana kwanisa litukelo zateni. Mi yena muyemeli yo uswanela kueza cwalo, una ni kulakaza kuba cwalo, mi ulukela kuba mutu wa mwa lubasi, yali bukaufi ni muliululi wa mwa lubasi, kuli aeze cwalo.

139 Mi Mulimu, yena Mubupi, wa Moya, atoba muliululi ku luna nako Ya ti lo ba mutu, ili kuli Ange sibi saluna fahalimwa Hae, ni kulifa tifo, mi alu liulula kukutela ku Mulimu hape. Ki seo foo. Ki yo foo Muliululi.

140 Kreste u lu liuluzi cwale. Cwale se lu liuluzwi. Kono Ha si ka ikungela kale liluwo la Hae pili. Cwale, mwakona kushutana ni zeo, kono ha mu libelele fela fa muzuzu, mwabona. Luka li bona. Mwabona? Ha si ka i kungela zona kale. Mwabona? Haiba na ngile Buka ya Puluso, kaufela zeo Adama na latehisize, Kreste ki za liuluzi kukuta. Mi U lu liuluzi kale. Kono Ha si ka ingela kale liluwo; Hakoni kueza cwalo konji ka nako yeswanela. Mi kona ku ka tatama zuho, mi cwale lifasi li ka ncafazwa hape. Mi

kona Akanga maluwo, maluwo a Hae a Na ikungezi nako Ya lu liulula, kono uka lieza ka nako ye lukela. Oh, mawi!

¹⁴¹ Ze litolokilwe mwa Buka ya Maswayo Asupa yelumbola za yona cwale. Ku lukile. Buka ya Puluso, kaufela li bulezwi mwahali mo. Kaufela za ka eza Kreste kwa mafelelezo li ka patululwa ku luna mwa biki ye, mwa Maswayo Asupa, haiba Mulimu alu lumeleza. Mwabona? Ku lukile. Li ka patululwa. Ni kupatululwa, Maswayo haanze a tamuluha ku luna, ka nako yeo luka bona mulelo wa puluso wo seo uli sona, ni nako yateni ni mo li ka ezahalela. Kaufela li patilwe mwa Buka ya likunutu ye faa. Li swailwe, ina ni Maswayo Asupa, mi kacwalo Ngunyana ki yona Inosi fela Yekona ku amamulula.

¹⁴² Cwale. . . [Muzwale Branhama u siliwa ki sika—Mu.] Mu ni swalele. Lwa lemuha kuli. . .

¹⁴³ Cwale, haiba mutabela kutalima mwa Mañolo, mwakona kutalima mwa Jeremia ni kufumana zeo mwateni. Mi ha nali—ha na—ha na ya mwa naha ya butanga, mwa ziba, na—na lekela maluma he. . . mwana maluma He nana ni—ni simu, mi afita ku zona, aswaya. Mi kambe ne lu ka linga kaufela. . . Luna ni zona mwa *Masika A Likeleke Zesupa*, maswayo ani ni lika kaufela, mwahali mwani.

¹⁴⁴ Mwa bona, liswayo, mwa Testamente ka Kale neli swana sina pampili yetatilwe, sina *cwana*. [Muzwale Branham cwale uitusisa mapampili a mapepa kubonisa mo ku tatelwa, kupata, ni kukwaluha kwa liswayo—Mu.] Mi *fa* nekuna ni kunutu, mi kunutu ye ne ipatilwe. Ku lukile, ne i swailwe cwalo ni kubeiwa fa, taba ya mukete wa *kuli-ni-kuli*. Mi, kunutu yetatama ne i tatiwa fahalimwa a liluwo le, ni kubeiwa fande sina cwana neku *le*, tifo—tifo—tifo ku wa *kuli-ni-kuli*. Mi laya cwalo kufita lieza litapa, kakuli batu nebasina libuka sina *ye* linako zani. Nelili mwa litapa, (ki ba bakai babaziba cwalo?) zebizwa litapa. Kihande, litapa le li swailwe, leliñwi *fa*, kunutu ya se mo ne ibezi, ni ku itumulula, mi nemuka bona taba yani kuli neili sikamañi. Mi ni ku tamulula yeñwi, mi mwakona kubona taba yateni kuli neli sikamañi.

¹⁴⁵ Mi taba yateni Fa kaufela ki Maswayo Asupa, kuna ni makunutu a Mulimu azwelela kwa mutumo wa lifasi kaufela zona likwahelezwi ona Mwani, ni kupatululwa ka Maswayo ashutani a sebene, kuli, haiba Mulimu alata, lu Mu lumeleze kuli alu comolele Maswato aa ni kutalima mwa Buka lufumane kuli Atalusa sikamañi luli. Mwabona? Oh, Ni sepa kuli lukaba ni nako! Teñi kunutu ya puluso ki mo iipatile kufitela. . . Buka ye ne i sika tamululwa kufitela Liñusa la lingeloi la mafelelezo.

¹⁴⁶ Litapa liteni mwani. Lu ziba kuli neliliteni mwani. Lu ziba kuli Neli puluso. Lu lumezi kuli Neli puluso. Jeremia naize, “Litapa le lina ni ku bulukiwa. . .” Ha mu ka ipalela zona mwani, uka bulela cwalo. Una ni kubulukiwa mwa sibiyana sa

mubu. Mwabona? Oh, ha ki nto kwabunde ni yeo foo ye Ni kona kubulela, fa nako nyana. Litapa le ne li bulukilwe mwa sibyana sa mubu, sibyana se si ti lo ba nama ka nako yeñwi (kanya!), a shwa, a zuha hape, ni kubulukwa mwa sibyana sa mubu kuisa nako ya tifo. Oh, mawi! Kibunde luli! Ku lukile.

147 Cwale, Mañusa aa kaufela a bulukilwe konji, sibyana sa nama se, kufitela nako ye ketilwe ki Mulimu, ku mulumiwa wa lifasi wa mafelelezo. Ni ze ne ba atuzi batu bani kaufela, ni kubulela kuli, “Ni ziba kuli Liteni. Ni lumela kuli Li teni.” Mi ba Li lwanisa, ni ku Li tisa patalaza ni ku shokomona litaba. Ka tumelo ba Li lumela. Kono cwale Li ka tiswa ku luna ka sinulo, ni kuli lizwa mwa lizoho la Mulimu ka kupakiwa cwalo. Mulimu ubulezi cwalo. Na sepisize ona cwalo.

148 Cwale, cwale ha lu boneñi. Kikai, kikai fo ne luinzi? Halu yeni fa timana ya 2 cwale. Yeo ki nako yetelele ya timana ya 1, kono halu—halu—halu ngeni timana ya 2. Cwale, kaniti haluna kuinelela hahulu ku yetatama.

Mi Na bona lingeloi lelina ni mata le lihuwa ka linzwi lelituna li li, Kimañi yalukela kuapula . . . buka, ni ku mamulula maswayo ayona?

149 Cwale, muhupule. Ha lu baleñi timana ya 1 hape, kuli lukone ku iutwisisa hamoho.

. . . Na bona mwa lizoho la bulyo layainsi mwa lubona . . .

150 Mulimu! Kiyena mañi yoo? Ki Mubuluki wa makalelo a Buka ya Bupilo. U I sweli. Mulimu u i sweli. Nako ya i toboha yona Adama, Ya kutela ku Muña yona wa Makalelo. Ki ya Hae.

Mi Joani (mwa pono) atalima mi abona mwa lizoho la yainzi mwa lubona bu—bu buka ye ñozwi kwande ni mwahali, ye manekilwe ka maswayo a sebene.

151 Mwabona, mwahali! Cwale, ha lu ka apula Maswayo aa, mu ka bona, Akutela hape mwa Mañolo, kukutela kwa mulaho koo, ku ifi ni ifi ya Maswayo ani. Taba yatani kaufela, hamoho, kunutu kaufela, iteni ona foo mwahala Maswayo aa. Mwabona? Kunutu ifi kaufela ya Bibe ifumaneha mwa Maswayo ao. [Muzwale Branham ungongota fa katala linako ze ketalizoho—Mu.] Mi Maswayo hakoni kukwaluha haisi ka nako yeo. Ni ka li bonisa cwalo faa, fa nako nyana fela.

152 Mulemuhe. Cwale, Buka, muhupule, i swailwe. Ki ye fa, iteni ki Yee, swayo yee. Mi Yeñwi hape i tatilwe, ki Swayo. Yeñwi hape i tatilwe, ki Swayo. Ki Buka ya Puluso. Mi taba yatani kaufela, hamoho, kona yekwaniseleza Buka, mi I swailwe ka Maswayo Asupa. Mi, he, ki ze kwande, kakuli litatani hamoho. Kunutu ya Liswayo ifumaneha mwahali. Mi I bulela fela kuli, “Mupahami wa pelesa yesweu,” kamba, “Mupahami wa pelesa yensu,” ni zeñwi kaufela, zeli kwande. Kono kunutu ya Buka kamukana

ifumaneha mwa Maswayo ao, kuzwa Genese kuyopunya Sinulo. Mulelo kakutala wa puluso upatuluzwi mwahala Maswayo Asupa aa. Oh, ki nako yebutokwa. Mulimu alu tuse ku Li utwisisa! Mwabona?

153 Cwale, “Mi lingeloi le li na ni mata . . .” Cwale timana ya 2.

. . . *lingeloi le li na ni mata*, la huweleza ka linzwileli tuna, lali, *Kimañi ya lukela*. . . (Ya lukela sikamañi?) *Kimañi ya lukela ku apula buka*, . . .

154 Cwale lu fumana cwalo. Buka yeo ikai cwale? Ku Muña Yona wa makalelo, kakuli ne se I latehisizwe ki mwana, mwana wapili wa Mulimu, mwa lusika lwa batu. Mi cwale nako ya latehisa liswanelo, ni kuteeleza ku Satani, a itoboha. . . Kiñi sa na ezize? A amuhela butali bwa Satani mwa sibaka sa Linzwi la Mulimu. Cwale, luyemele fo pili fa nako nyana! Bana ba Mulimu ba amuhela mulelo wa sikolo sa za bulapeli ka Yona, mwa sibaka sa Linzwi la Mulimu. Mwabona, nto yeswana yana ezize Adama, a i toboha liswanelo za hae. Mi amano eza cwalo, ya kutela kwa mulaho hape. Kikuli hamuboni masika ao kwa bile? Mwabona? Ya kutela ku muña yona wa makalelo.

155 Mi Joani, mwa Moya, inza yemi mwa Lihalimu. Sa nanuhile cwale, kuzwa mwa masika a likeleke, mwabona, abona masika a likeleke. Mi cwale angelwa mwahalimu, mwa kauhanyo ya 4. Ki hali, “Taha ukambame fahalimu. Ni ka ku bonisa lika ze sa taha.”

156 Mi abona Yana inzi mwa Lubona, ni Buka mwa lizoho la Hae, mwa lizoho la Hae la bulyo. Munahane zeo, cwale. Mi, he, mwa Buka ye nekuna ni liswanelo za maluwo a puluso, mi Ne i swailwe ka Maswayo Asupa.

157 Mi he Lingeloi la taha, Lingeloi le li na ni mata, la bulela ka linzwi le lituna, “Kimañi ya na swanela kuapula Buka; kunga Buka? Kimañi ya na swanela kuapula Maswayo? Kimañi ya na swanela kuapula Buka yee?” Mwabona, Lingeloi la buza. Joani a i bona. Mi La li, “Cwale, kimañi ya swanela? Mu mutuhele. . .” Oh, mawi! Mwendi Ni ikutwa fela seo, ka nzila yee. “Kono lu Mutuhele,” kwa bulela Lingeloi, “lu Mutuhele. . .” *Kiye* fa Buka ya Puluso! *Kiwo* fa mulelo wa puluso! *Kiye* fa nzila inosi fela yemuka liululwa ka yona, kakuli *kiye* fa swanelo yepaka puluso ya lihalimu kaufela ni lifasi! “Ha tahe kwapili, haiba Uka eza cwalo.” Oh, mawi! “Cwale mubulele, kamba kuyakuile Mu kuze. Yena ha tahe kwapili mi ange Buka yee. Kimañi ya swanela ku i nga?”

158 Mi Joani ali:

Nekusina *mutu mwa lihalimu* ya fumanwi kuswanela; nekusina *mutu mwa lifasi* yana swanela; hakuna mutu mwatasa *lifasi*, yakile apila ni ya shwile, yana fumanwi kuswanela. Hakuna mutu yana fumanwi kuswanela.

159 Pizo ya Lingeloi neli pizo yakuli Muliululi wa Lubasi abonahale. Mulimu ali, “Ni nani mulao; Muliululi wa Lubasi wakona—wakona kuba sa kuyolisa. Ukai Muliululi wa Lubasi yani? Kimañi ya swanela ku Inga?”

160 Mi ya zwa ku Adama, kutaha cwalo kushetumuka kwa baapositola, ni bapolofita, ni lika zeñwi kaufela, mi hakuna yana fumanwi. Cwale, kucwani kaseo? “Nekusina mutu mwa Lihalimu, nekusina mutu mwa lifasi, hakuna ya kile apila fateni.” Elia na yemi fani. Mushe na yemi fani. Baapositola kaufela neba yemi fani, kamba—kamba kaufela bona bene ba shwile; baana babakenile kaufela, bo Jobo, baika ba butali. Mañi ni mañi na yemi kwani, mi hakuna mutu ya na swanela neba kotalima fa Buka, kamba mane neba ku Inga ni ku mamulula Maswayo.

161 Cwale ukai pope ni bona babañwi kaufela kwani? Ukai bishopu wa mina? Bukai buima bwa luna? Ha lu sesiñwi. Yeo ki niti.

162 Na kupile Muliululi wa Lubasi kuli atahe, haiba Na ka kona. Kono Joani ali, “Hakuna mutu yana swanela.”

163 Isiñi kuli nekusina batu bene ba lukela kwani, cwale, inge Lingeloi; inge, ka mutala, na ka bulela kuli, Gabriele, kamba Mikaele. Kono, muhupule, neina ni kuba Muliululi wa lubasi. Muhupule, Joani ubulela fa kuli, “Mi nekusina m-u-t-u,” isiñi Lingeloi, isiñi Serafimi. Ona na si kaeza sibi, kono Nali mwa sikwata sisili. Na si ka wa kale.

164 Kono se ne si na ni kuba Muliululi wa Lubasi. “Nekusina mutu,” kakuli nekusina wa ona yana liuluzwi. “Nekusina mutu ya na swanela kuli a Italime.” Oh, batili! Mawi, mawi! Kacwalo, ne si lwezi Muliululi wa lubasi. Mi akupa, kono Na si ka fumanwa, kai kamba kai. Nekusina mutu ni yomukana. Nekusina bishopu, nekusina mutoneli wa bishopu, nekusina muprista, nekusina mundandwe wa litulo, nekusina sika kamba neba. . . mane nekusina neba kukeniswa kube cwani ni cwani neba kotalima fa Buka. Whew! Mawi, mawi! Taba yeo itiile luli, kono zeo kona ze ibulezi Bibe. Ni bulela fela za na bulezi Joani.

Bibele ibulezi kuli Joani “alila.”

165 Isiñi sina batu babañwi mo ba lutezi. Ne ni utwa mutu yana luta nako yeñwi, kuli, “Joani na lila kakuli na ipumani na si ka swanela.” Oh! Mutu ufi kaufela mwatasa Moya o Kenile wakona kuziba shutano ku zeo, mwabona; mwatasa susumezo ya Mulimu, wakona kuziba shutano ku zeo.

166 Kono, Joani “alila.” Ki se se Ni nahana kuli na lilela. Kakuli, haiba hakuna ya na swanela kukwalula Buka ye ya Puluso, pupo kamukana ne i ka lateha.

167 *Kiye* Buka yatani, *kiye* pampili yepaka muña sika, mi Ika fiwa ku Muliululi wa Lubasi yakona kufita fa liswanelo

za linepo. Woo ki mulao wa Mulimu Kasibili, mi Hakoni ku lyanganisa mulao wa Hae, hakoni kuhatelela mulao wa Hae, nitaluse. Mwabona? Mulimu na tokwa Muliululi wa Lubasi Yana swanela, Yana lukela kueza cwalo, Yana na ni mayemo akueza cwalo.

168 Mi Lingeloi lali, “Cwale Muliululi wa Lubasi yo atahe cwale.”

169 Mi Joani atalima. Mi atalima lifasi kaufela. Atalima ni mwatasa lifasi. Mi nekusina mutu. Kwani, pupo ni lika kamukana za lateha. Eeni sha, Joani alila. Lika kaufela za lateha.

170 Kulila kwa hae nekusika nga nako yetelele kono neli muzuzu fela, kihona. Mi kwa yema alimuñwi wa babahulu, ali, “Si lili, Joani.” Oh, mawi! Kulila kwa hae nekusika nga nako neli fela muzuzu.

171 Joani ahupula kuli, “Oh, mawi, ukai Mutu yoo? Ki bani bapolofita bayemi fani; ne ba pepilwe sina mo ne Ni pepezwi nina. Ki bani fani baika babutali. Ki yani yayemi fani. . . Oh, kikuli hakuna usili faa?”

172 “Ni bata Mutu yakona ku eza cwalo. Ni bata Mutu yakona ku liulula.”

173 Kono na si ka fumanwa, kacwalo Joani alila hahulu. Oh, lika kaufela ne li latehile; mi alila habutuku. Mi a—a swaba, kakuli lika kaufela, pupo kaufela, lika kaufela ne li icongile, haiba nebasike kufumana mutu. Kanya ku Mulimu! Kambe ne ba si ka fumana mutu yaswanela mwa litaba zeo, kwani. . . mutu yapila kaufela, ni lifasi kaufela ni pupo, ne i congile. Oh, lika kaufela za wa. Li—li—li liswanelo za puluso, liswanelo za—za Bupilo Bobusafeli, za Liseli, liswanelo zeo kaufela ze ne hatelezwi, mi nekusina yana ka lifa mulatu. Mi Joani ukala kulila, kakuli hakuna ya na swanela, mane hakuna ya na ka talima fa Buka. Oh, ne si lwezi mutu. Joani alila, kakuli hakuna mutu ya na konile kueza cwalo, mi lika kaufela za lateha.

174 Mi kwa taha linzwi kuzwa ku alimuñwi wa babahulu, ayemi mwahala Libupiwa zene ni sikwata tuna sa Lihalimu sani, ali, “Usike wa lila, Joani.” Oh, mawi!

175 [Muzwale Branham ukambela mazoho habeli—Mu.] Sishemo sa Mulimu!

176 “Usike wa lobeha pilu, Joani. Usike wa lila. Kakuli Tau ya lusika lwa Juda, Mubisi ni Mwana wa Davida, U tuzi.”

177 *Kutula* kotalusa “kulwana ni sika, ni kukoma.” Oh, mawi! Simu ya Getsemane, fani Mali alotela fafasi kwa sifateho sa Hae, Na koma. Mwabona? Whew! Mwabona?

178 “Tau, ni Mubisi wa Davida, u tuzi, u komile.”

179 Sina Jakobo, kakuba wa makilikicani. Mi ha yo katana Lingeloi, a mangana ni lona. Mi Lingeloi la lika ku i ka kutula. Yena ali, “Ha—Ha nia ku Ku tuhela kuli uye.” A kumalela kufitela aba ni sa na bata. Mi libizo la hae la cinciwa, kuzwa kwa kuba *kuluku*, ili kotalusa “mupumi.” Kuba sikamañi? Kuba “Nabi ni Mulimu,” *Isilaele*. A koma.

180 Mi Tau ye ya lusika lwa Juda ikomile. Ali, “Usike wa lila, Joani. Kakuli Tau ya lusika lwa Juda, Mubisi wa Davida, u tuzi. U tuzi kale. U komile. Ku felile, Joani.” Whew! Oh, oh, mawi! Atisa mulyani o zamaelela hamoho ni sibi kukutela kwa mazoho ana ni mafula a . . . ka butali bwa hae, ana silafalize, mutu yoo. Eeni.

181 Kono cwale Joani afetuha ni ku tahalima, abona Ngunyana. Nto yeshutana kwa Tau! Ki hali, “Tau kona ye komile.” Mwabona, hape, Na kona ku itusisa seo foo, Mulimu yaipata mwa bunyinyani. Ki hali, “Ki yeo Tau.” Yeo kona mulena wa libatana. “Tau kona ye komile.” Yetiile hahulu ku zeliteni ki tau.

182 Ni bile mwa mishitu ya Africa, ni kuutwa li—li litutwa ha li lila. Mi—mi ni kutiya kwa, tou ni munwana wa yona mwahalimu, “Whee, whee, whee.” Ni kuutwa bo—bo—bo luwawa ba lihalaupa ha ba huwa ka sabo, yetuna kukowana. Mi ni—ni tumbombo, kufitela . . . Mi Billy Paul ni Na inge lu lobezi mwa sibaka se si apesizwe mikakani. Mi lu i utwela, kwahule koo, tau ha i bopa, mi lika kaufela mwa lihalaupa za kuza. Mane neba tumbombo twa tuhela kutoliya. Ki mulena ya bulela. Oh, oh, oh, oh, mawi!

183 Na mi bulelela, foo kona likopano ni kukakanya foli welanga fafasi. Kaufela za kuza Mulena ha bulela. Mi Yo ki yena Mulena, le ki Linzwi la Hae. Oh!

184 Ki hali, “Joani, usike wa bilaela. Usike wa lila. Usike wa lobeha pilu, Joani. Nina ni wena mwa pono moo; Ni ku bonisa nto yeñwi. Mi Ni ziba kuli u ikalezwi maswe, kakuli, wa ziba, hakuna ze lukela ku liululwa, kaufela liicongile; hakuna mutu ya kwansize kufita fa sikala. Kwanda Tau ya lusika lwa juda . . .”

185 Mwa ziba, ba Juda . . . Neluna ni yona, ni fa limati lelinsu fa, mwa ziba. Sisupo sa lusika, lwa Juda, neli tau.

186 Muhupule, tau, ni—ni komu, ni . . . mi ni zeñwi cwalo, toho ya mutu, ni zeñwi cwalo. Ni bani bene ba talima, Maserafimi ani, Linzwi leo; hakuli zeo kaufela, Mareka, Mateu, Luka, ni Joani, kaufela bona nebayemi kupotoloha Buka ya Likezo.

187 Mi Na utwa mutu yana bulela, mutazi yomutuna, ali, “Buka ya Likezo ki musebezi fela oswana sina muambeso.”

188 Neli Kota ya makalelo yeo Keleke ye kenile ikile yaba ni yona fateni. Uh-huh! Eeni, sha. Mi Ikana izwelapili kubeya yetatama, ikaba ya mufuta ona woo, niyona. Eeni, sha! Muna ni mitai ye comekilwe fela mwateni, mi isweli kubeya malemune. I lukela kuba ma olonji. Kono . . . Mwabona? Kanti Kota yani—Kota yani

haita shoshela mutai wa Yona hape, Ukaba fela ona cwalo sina wa makalelo.

¹⁸⁹ Mi Mateu, Mareka, Luka, ni Joani, Evangeli yeo iyemi fani ka kusileleza Sani. Butali bwa mutu; mata a tau; musebezi wa pulu; ni lubilo lwa ngwee. . . kamba mbande, nitaluse. Eeni, Evangeli iyemi ona foo! Sikamañi? Mwahupula hane luna ni zona? [Kopano ili, “Amen.”—Mu.] Ki mwa *Masika A Likeleke Zesupa*.

Cwale u li, “Tau ya lusika lwa Juda.”

¹⁹⁰ Kiñi ha izwelela ku Juda? “Mawe Juda, mufani wa mulao haana ku kuzamaya kwapili, mwahala hañwele a hae, konji Shiloh atahe. Kono Uka taha ka Juda.”

¹⁹¹ “Mi cwale Tau, sisupo sa lusika lwa Juda, i tuzi. I komile.”

¹⁹² Mi ha itemuna kuli abone kone kuinzi Tau, abona Ngunyana. Ki taba kwa bunca, ubata Tau kono ubona Ngunyana. Yomuhulu a Mu biza Tau. Kono Joani ha talima, abona Ngunyana, “Ngunyan Ye tabilwe haisamba lifasi litomwa.” Ngunyana ye tabilwe. Neli sikamañi? Ngunyana yani neli sikamañi? Ne i lota mali, ne i holofezi. “Ngunyana ye tabilwe, kono ne i nze ipila hape.” Mi ne i lota mali. Oh, mawi!

Mukona kutalima cwani Seo, balikani, ni kusiyala muezalibi?

¹⁹³ Ngunyana ya taha. Yomuhulu ali, “Tau i tuzi, ki Tau ya lusika lwa Juda.” Mi Joani atalima kuli abone Tau, kono kwa taha Ngunyana, inge i njanja, Ina ni Mali, iholofezi. I komile. Nemuka ziba kuli Ne ili mwa ndwa. Ne i tabilwe, kono Ne i sa pila hape.

¹⁹⁴ Joani na si ka lemuha kale Ngunyana ye haisali, mwa ziba, fa. Ne i si ka bulelwa kale. Hakuna fo ne I bulezwi. Joani na si ka I bona, mwa Mahalimu kaufela, kuya ka mwa na talimela. Kono ki ye Ya taha.

¹⁹⁵ Mulemuhe ko ne I zwelezi. Ki kai ko ne I zwelezi? Ne i zwelela mwa Lubona lwa Ndate lwani, mo Ne iinzi kuzwa fo I bulaelwa ni kuzuha hape. “Ya nanuha ni kuina ku la bulyo la Mulimu, i sa pila kuli i lukupele kwateni.” Amen. A zuha kwani, kacenu, ka Muyemeli, ka Mali a Hae Tota, kuli akupele ku sa ziba kwa sicaba. Cwale, yoo ki Yena ye Ni itingile kuyena. Na sa apesizwe mwa mulyani, mulyani wa swalelo ya sibi.

¹⁹⁶ Joani atalima Ngunyana yeo, mi Ngunyana ya bonahala inge Ne ibulailwe kale kale. Mi alemuha kuli Ne i holofezi, ni kupazauha, ni ku kubuha, ni kulota mali. Ngunyana yelota mali, kona ze ne ezahalile. Hanili kinti yenca, Ngunyana yesina sika inge sibaka sa luna? Mi a bona Ngunyana. A zwelapili.

¹⁹⁷ Joani na si ka Mu bona, kakuli Nali koo kwa Kuyakuile, neba kufa litapelo bakeñisa sicaba; ni kubonisa kuli bona babatile ku Mulimu, mwatasa sitabelo sa mali a lipoho, a lipuli, sitabelo se si yemela sika, Yena hape. . . Kakuli, bona baba lumela cwalo,

ba supeza ku Yena. Mi Mali na si ka suluha kale, kacwalo Na li kwani kuli aba takulele milatu. Na li kwani kuli ami takule za hao n i za Ka.

198 Mi, O Mulimu, Ni sepa Uteni mo busihu cwana. Ku muezalibi kaufela, Ngunyana i bulailwe kale. Kana Jehova uka bona cwani sika kaufela kwada Ngunyana ye lota mali yetabilwe yani kwani!

199 Mi Ngunyana ya zwelapili mwa pono cwale, sina Ye bulailwe kale. Mulemuhe, yazwa kwa Lubona lwa Ndate. Oh, munahane! Yena, Na zwile kai, kwa pono yee? Na zwile kwa Kanya, koo Ainzi kwa lizoho la bulyo la Mulimu. A zwelapili kuta, ku Joani, azwa mwa Kanya.

200 Oh, hanili ikona kuba nto ye kanya haiba mihupulo yaluna, busihu boo, ikona kubeiwa kwatuko fa nako yetelele kuli lu Mu amuhele, mi Yena azwelepili musipili kaufela kuzwa kwa Kanya, busihu cwana, kuli Aitibahaze ili yena ku ufi wa mia kaufela!

201 Ngunyana na zwile kwa Kanya, kuli alu kupele kwateni, ku lukile, kuli a ikungele cwale baba liuluzwi ba Hae! Muhupule, Na li fa musebezi wa Hae wa kukupela sicaba sa. Kono, muhupule, Maswayo aa sa li bukaufi ni ku kwaluha, mi Ngunyana azwa mwa sibaka sesikenile sa Mulimu, ataha kwapili.

202 Mulibelele kufitela lutaha foo, hola iliñwi yani, munge “licika-la hola” ha Ne ku ku kuzize. Sibaka sesikenile si tushana musi. Hakuna milapelo. Sitabelo si zwile mwateni. Seli Sipula sa Katulo. Hakusana Mali ku sona ni hanyinyani, kakuli Ngunyana ye apesizwe ka Mali i zwile fateni. Musike mwa libelela kufitela nako yeo. Mwa hupula mwa Testamente ya Kale? Haibile fela mali na zwile fa sipula sa sishemo, neiba katulo; kono haibile fela mali naliteni fani, nekuba ni sishemo. [Muzwale Branham ungongota fa katala linako ze ketalizoho—Mu.] Kono cwale Ngunyana ha i zwa fateni, kona zene bile teni zeo!

203 Ubile sikamañi? U bile Muyemeli wa lifosi. Hakuna mutu usili haepe! Mu ni bulelele kuli Maria na ka lapela ku mañi cwale. Maria na ka fa sikamañi? Saint Francis na k fa sikamañi, Saint Assisi, kamba ufi kaufela, ni Saint Cecilia, nitaluse, kamba mutu usili fela? Joani na si ka bona balumeli ba bakenile bene bazwa mwa sibala sa kuyemela baezalibi. “Na boni Ngunyana, Ngunyana yene bulailwe, yelota mali.” Hanina taba kamba ki balumeli ba bakai baba bulailwe; kaufela bona ne ba swanela cwalo, mañi ni mañi wa bona. Sina lisholi mo ne libulezi fa sifapano, “Lu fosize, mi kwa lu lukela. Kono Muuna yo yena hakuna sa ezize.” Nali yena Mutu anosi ya na swanela.

204 Ki yo Ataha, kuzwa mwa sibaka sa kuyemela lifosi. Kikuli U tahela sikamañi cwale? Amu Mubone! Oh, oh, oh, mawi! [Muzwale Branham ukambela mazoho halalu—Mu.]

205 Joani nasweli kulila. Kaufela zeo—zeo likai? Ki sikamañi se si ka ezahala?

206 Ali, “Usike wa lika, Joani,” kwa bulela yomuhulu. “Ki yeo Tau yataha. Ki Yona ye ne komile.” Ha yo talima, kwa taha Ngunyana, yelota mali, ye tabilwe.

207 Kaufela se si bulaiwa sina ni kulota mali. Mwa ziba, si bulailwe. Mulala wa yona no pilwe kwateni u kwaluhile, kamba nto yeñwi. Mali asweli ku zwa mane ki mubili kaufela.

208 Ki yeo Ngunyana ya taha, ye tabilwe. Mi Ataha cwalo, oh, mawi, (sikamañi?) kuli atise litaba za Hae kubaba liuluzwi ba Hae. Amen. Oh! Oh! Ni. . .Ha mu ikutwi fela inge kuya mwa lilulu, muine ni kulila nyana? Ki yeo Ngunyana ya taha, inge i sa lota mali. Joani. . .Nekusina sika kwani; baika kaufela ne ba yemi bukaufi, kono nekusina neba alimuñwi yana konile kueza cwalo. Kacwalo, ki yoo Ngunyana ataha, cwale. Mazazi a hae a ku kupela baezalibi afelile.

209 Foo kona Lingeloi le fo li ka yema. Mulibelele kufitela lukena mwa Maswayo ani. “Mi nako i kabe ifelile.” Yeo ki niti. Lona “licika la hola ya kukuza yani.” Mutalime se singa sibaka mwa licika la hola yani ya kukuza, Liswayo la Busupa lani, Sunda yetaha busihu, haiba Mulena alata.

210 A taha kutela (sikamañi?) kutonga ba Hae bona ba yemela cwale. Oh, mawi! Utaha ku to nga ba liuluzi ba Hae! Cwale, Na sa ezize musebezi wa Muliululi wa lubasi. Na sa tulukile, atoba Mutu, ashwa. A eza musebezi wa Muliululi wa lubasi, kono na si ka biza kale ba Na liuluzi. Cwale Utaha ku to ikungela liswanelo za Hae, (mutalime se si ezahala cwale) oh, mawi, bona ba Na shwezi, kuli abe Muliululi ku mutu, kuli ashwele mwa sibaka sa hae, ku mu liulula. Kono, yomuhulu na bulezi niti ha Na ize “Tau,” mwabona. Yomuhulu na Mu bizize, kuli, ki “Tau.” Kakuli, Na li Ngunyana ni kale, Muyemeli wa lifosi, Ngunyana yelota mali, kono cwale Utaha sina Tau. Mazazi a hae a buyemeli sa felile.

211 “Ya tezi masila atale masila ona cwalo. Mi yena ya lukile abe ya lukile ona cwalo. Ya kenile abe ya kenile ona calo.” Taba yateni ifelile. Oh, muzwale! Cwale kutata sikamañi? Cwale kutatama sikamañi?

212 Mi, muhupule, itaha kwa lusika lwa keleke ya busupa, foo likinutu za Mulimu ha li ka kwaluhwa. Cwale mutalime ka tokomelo hande. Ye ki taba yemuna ni kuutwa. Cwale, Nabile aeza musebezi wa Hae wa buyemeli, kozo mwa sibaka sa mulumeli. Ka myaha ye likiti zepeli Na li kwa mulaho kwani, ali Ngunyana. Cwale U zwa mwa Kuyakuile, kuli ange Buka ye tomezwi za tukuluho, ni ku tamuluma Maswayo, ni kupatulula makunutu. Ka nako ifi? Kwa nako ya maungulo.

213 Kana mwa utwa nji? [Kopano ili, “Amen.”—Mu.] Ku lukile, lu ka zwelapili.

214 Cwale, akwalula Maswayo ni ku patulula makunutu kaufela ku bona, kwa lingeloi la busupa, leo Liñusa la lona ki kupatulula makunutu kamukana a Mulimu. Makunutu a Mulimu afumaneha mwa Maswayo Asupa aa. Mwabona? Kona sa Na bulezi fa. Likunutu kamukana li iputezi mwa Maswayo Asupa aa.

215 Mi Ngunyana yataha cwale, kuzwa kwa kuba Muyemeli mwahala Mulimu ni mutu. Cwale u ba Tau. Mi cwale Ha ba tau, Unga Buka. Kona liswanelo za Hae. Mulimu ki yena ya Isweli, kunutu, kono cwale Ngunyana wa taha.

216 Hakuna yana konile kunga Buka. I sa li mwa mazoho a Mulimu. Hakuna pope, muprisita, kamba abe mañi kaufela, hakuna niyomukana (hakuna) kunga Buka. Maswayo Asupa na si ka patululwa kale. Mwabona?

217 Kono he, Muyemeli, musebezi wa Hae ha so felile wakuba Mulapeleli, A taha. Mi Joani . . . Yomuhulu naize, “Ki Tau.” Mi ki Ha taha. Amu talima. Oh, mawi! Mwabona? U taha ku tonga Buka, cwale amutalime, ku to patulula likunutu za Mulimu, zene ba sweli kuakaleza fela babañwi, mwahala masika a likopano a kaufela.

218 Mwabona, cwale, lingeloi ls busebene. Haiba Buka ye, likunutu, ki Linzwi la Mulimu, lingeloi la busebene lina ni kuba mupolofita, kuli Linzwi la Mulimu litahe ku yena. Hakuna muprisita, mapopu, kamba sika sifi kaufela, sesikona ku Li utwa; Linzwi ha li tahangi ku baba cwalo. Linzwi la Mulimu litahanga fela ku mupolofita, kamita. Malaki 4 isepisize ona cwalo. Mi nako ya taha, u ka nga likunutu za Mulimu, koo keleke ne i kakanyize mwahala likopano ze kaufela, “Ni kukutiseza Tumelo ya bana kukutela kwa bashemi babona.” Mi cwale katulo ya lifasi kona ikanga sibaka, mi ni lifasi li ka cisiwa. Mi kipeto ba balukile ba ka hatikela fa mufuse wa ba bamaswe, mwa puso ya Mileniamu.

219 Kana mwa utwisisa nji? [Kopano ili, “Amen.”—Mu.] Ku lukile.

220 Babañwi ne ba akalelize fela, mwa lusika lwa za likopano. Kono, mwabona, u lukela kuba muuna yoo, lingeloi la busupa la . . . Sinulo 10:1-4 ki la . . . Lingeloi la busebene lina ni likunutu za Mulimu zefilwe ku lona, ni kufeleleza likunutu kaufela ze ne siilwe, kuto fita mwa masika a likopano.

221 Cwale mwakona kubona libaka Ha ni sa omanyezangi mizwale yaka ya likopano. Ki mulao wa za kopano! Ha ba koni, hakuna mukwa kuli balike kueza Cwalo, kakuli ha Likoni ku patululwa. Zeo ki kuya ka Linzwi. Ne ba akaleza fela ka Zona, ni kulumela kuli Nelili cwalo, mi ka tumelo ba zamaya ka Lona, kono cwale Li pakilwe hande zaiponahaza. Amen. Oh, mawi, haki—haki Liñolo ni leo!

222 Cwale mutokomele. Kona kuli ki Yena, yeli Ngunyana, yanga sibaka sa Hae sa Bulena, foo balumeli ba Hae ha ba to Mu apesa mushukwe, “Nabi wa linabi, ni Mulena wa malena.” Mwabona?

223 Mwabona, “Nako se i felile.” Sinulo 10:6, “Hakusana nako yesiyezi.”

224 Mulemuhe, ki ao “manaka a sebene” ku Ngunyana yee. Kana mulemuhe cwalo? “Yena ni manaka a sebene.” Lu se lufitile fela ku zeo. *Manaka* atalusa “mata,” kwa folofolo. Mi, amuteezeze, Na si folofolo, kakuli Na ngile Buka mwa lizoho la bulyo la Ya inzi mwa Lubona. Mwabona? Mulemuhe. Oh, mawi!

225 Ni lumela kuli Ni iñezi yeo fokuñwi; oh, kuli a mamulule Maswayo, ni kutumulula swanelo, swanelo yepaka muña sika, mi ni—ni Liñusa kwa lingeloi. Mi Ange sibaka sa Hae sa Bulena. Kona Sa tahela ku toeza cwale.

Cwale amutalime, mi A taha, “Manaka a sebene.”

226 Cwale, ha to bona Ngunyana yoo, Jaonia inza I talimile cwalo, Ya—Ya bonahala sina Ye tabilwe, yelota fela mali. Mi Ne i zwile kwa Kuyakuile, mi Atuhela kuba Mulapeleli.

227 Cwale amu lapela ku Maria mo mubatela kaufela! “Nekusina mutu mwa Lihalimu, ni mwa lifasi, kamba nekusina ni mutu yomukana kai kaufela, yanakona ku inga.” Joani mane alila bakeñisa zeo. Oh, mulika tuwe wa Katolika, kikuli hauboni cwalo? Usike wa lapela mutu ya shwile.

228 Ngunyana kona fela Mulapeleli kihona. Mwabona? Nali yena Fela ya na tahile. Mi kisikamañi sa Na ezize cwale? Ubile kwa mulaho kwanu inza sweli kulapelela, mane konji Mali a Hae a kwanile mutu kaufela. Mi Ngunyana, cwale, ya ziba zeñozwi mwa Buka. Kacwalo, Na zibile kuzwelela kwa mutomo wa lifasi kuli mabizo abona nali Mwatani, kacwalo U yemi kwa mulaho kwani mi una- . . . mi—mi, kono, uezize musebezi wa Muyemeli inge kufita cwale . . . musebezi wa buyemeli, kufitela kaufela ya beilwe mwa Buka a liululwa, mi kipeto kwa fela. Mi cwale U zwela fande. Mwabona? U ezize musebezi wa Hae wa Muliululi wa lubasi. Yena kaufela . . . Mwa ziba musebezi wa Muliululi kuli ki o cwani? Wa kupaka fapila babahulu. Mwa hupula Boazi ha tubula ni kulaha likatulo la hae, ni zeñwi cwalo? U ezize zeo kaufela cwale.

229 Cwale U taha ku to nga Munyaliwa wa Hae. Amen. U taha cwale sina Mulena. U bata Muoli wa Hae. Amen. Amen. Mwa Buka ye kuna ni kunutu kamukana ya Zona, ye iputezi mwatani, Maswayo Asupa. Oh, muzwale! Maswayo Asupa, alibezezi Yena kuli atahe. Mulemuhe.

230 Ha lungeni lisupo zee. Kihande, ki naini kiloko fela. Luna ni liholo zetalu kamba kufitelela, kuli luzwe. Luna ni . . . halu ezeni fela . . . Satani utundamena ku ni bulelela kuli sicaba se si

katezi, kona kuli Ni sepa ba katezi. Kono halu—halu ngezi fela se, nihakuli cwalo.

²³¹ “Manaka asebene” neli likeleke zesebene, mwabona, masika a likeleke zesupa, kakuli yani neli silelezo ya Ngunyana. Sa Na silelezisa liswanelo za Hae ka sona, fa lifasi, neli Sikwata se si lumilwe ki Mulimu sana silelelize; mwabona lunaka ku Ngunyana.

²³² “Meto asebene” ki balumiwa ba sebene ba masika a likeleke zesebene. “Meto a sebene,” baboni baba sebene.

²³³ Kikuli mutabela kuñola Mañolo amañwi? Halu apuleñi ku ona. Mu bulela sikamañi, muna ni nako yeñata? [Kopano ili, “Amen.”—Mu.] Ku lukile. Ha lu yeni mwa Zakaria, Buka ya—ya Zakaria, hanyinyani fela, mi luka—luka bala zeñwi zateni.

²³⁴ Ha—Ha ni lati ku mi buluka nako yetelele fa litaba zee. Mi—mi Ni. . . Kono, niteni, Ha ni lati kuli mu li mbwinje. Kinto mañi yebutokwa kufita litaba ze hape? [Kopano ili, “Amen.”—Mu.] Ehe. Kiñi zeñwi hape. . . [Yomuñwi mwa kopano uli, “Muzwale Branham?”] Sikamañi? [“Ha mu likanyisi zeo.”] Hakuna zefita Bupilo Bobusafeli ku mutu. Mi lu swanela—lu swanela ku utwa taba ye cwale, mi—mi lubone kuli lwa i utwisisa. Ku lukile. Ku lukile, sha.

²³⁵ Mi cwale lubata kubala Zakaria kauhanyo ya 3. Ni sepa ki cona, cwale, Zakaria 3. Lukanga fela lisupo ze fa, haiba Nina ni Mañolo aňozwi kulo faa. Ne ni sweli fela kuhuwa mwa sibaka kaufela, musihali woo, ha Ni fita fateni faa. Kacwalo Ha—Ha ni zibi haiba Nina ni yona hande, kamba nee. Ni sepa Nina ni kumbile. Zakaria 3, halu boneñi haiba ki. . . Nina ni 89 fa, kono ilukela kuba 8 kufita fa 9. Ku lukile. Ku lukile. Ni ziba kuli haikoni kuba 89. Zakaria 3:8 ni 9.

Utwa cwale, Wena Joshua muprisita yomuhulu, wena, ni banabahenu ba ba inzi fapila hao: baana ba ki liponiso kwa sicaba: kakuli, hamubone, Ni ka tahisa mutanga ka yena LITUHELA (Kreste).

A mubone licwe kile le Ni beile fapila Joshua; mwa (licwe) leo li liliñwi kuna ni meto a sebene: (meto a sebene), amubone, Ni ka ñola fa licwe le ka ku cankaula, ku bulela MULENA wa limpi, . . . mi Ni ka zwisa bumaswe bwa naha ye mwa lizazi li liliñwi.

²³⁶ Cwale ha lu apuleni mwa Zakaria 4:10, 4:10. Muteeleze.

. . . kimañi ya ka nyaza lizazi la litaba zenyinyani (Mulimu mwa bunyinyani, mwabona)? kakuli aka taba, ona. . . meto ao a sebene haka bona muhala wa muyaho mwa mazoho a. . . Zerubabele; kikuli meto a MULENA anza nyaka kafa ni kafa mwa lifasi kaufela.

²³⁷ “Meto a sebene.” *Meto* atalusa “kubona.” *Kubona* kotalusa “bapolofita, baboni.” Ngunyana ye neina ni manaka a sebene,

mi fahalimwa lunaka ni lunaka nekuna ni liito, “meto a sebene.” Ki sikamañi se? Kreste ni Munyaliwa wa Hae; masika a likeleke ze sebene. Kuzwa mwani kutahile bapolofita ba sebene, baboni ba sebene, meto. Kacwalo, wa mafelelezo ulukela kuba muboni. [Muzwale Branham ungongota fa katala habeli hana bulela, “muboni.”—Mu.] Ku lukile.

²³⁸ Mulemuhe, Yoo ha ki folofolo. “Na ngile Buka mwa lizoho la bulyo ka Yana inzi mwa Lubona.” Neli mañi Yoo? Ki—ki yena Muñi, yena Muñi wa makalelo, yana sweli Buka ya Puluso mwa lizoho la Hae la bulyo. Mi hakuna Lingeloi, hakuna Sibupiwa sa Bungeloi, hakuna nto isili, ye ne ka nga sibaka. “Mi Ngunyana yene lota mali yee ya taha mi yanga Buka mwa lizoho la Hae.” Whew! Neli sikamañi sani? Muzwale, ye kona nto yende hahulu mwa Mañolo. Ki kezo isiñi Lingeloi, hakuna nto isili, ye ne ka eza zeo. “Mi Ngunyana ataha ku to Inga mwa lizoho la Ya inzi mwa Lubona.”

²³⁹ Ki sikamañi seo? Cwale Ki ya Ngunyana. Amen. Milao ya Mulimu ne i lukela kupetahala. Ki Yena ya I sweli. Mulao wa Mulimu no tokwa Muliululi wa Lubasi. Mi Ngunyana ataha cwalo, inza I sweli, “Kina Muliululi. Kina Muliululi wa bona. Na cwale . . . Ni se ni ba lapelezi, mi cwale Ni tile ku to paka liswanelo za bona.” Amen. Ki yoo fo Anosi fela. “Ni tile ku to paka liswanelo zabona. Ku zeo, bana ni tukelo kwa lika kaufela ze ne latehile mwa kuwa kwa mutu, mi Ni tilo lifa mulatu.”

²⁴⁰ Oh, muzwale! Whew! Kana seo ha si mi utwisi bulapeli mwa pilu? [Kopano ili, “Amen.”—Mu.] “Ha ki ka misebezi yeminde ye lu ezize, kono ki ka sishemo sa Hae.”

²⁴¹ Oh, mulibelele fa muzuzu! Mi bona babahulu bani ni lika kamukana bakala kutubula mishukwe yabona, ni baika bakala kuwela fafasi, mwabona.

Hakuna mutu, hakuna mutu yana kona kueza cwalo.

²⁴² Mi U taha kwa lizoho la bulyo la Mulimu, mi anga Buka mwa lizohola Hae, ni paka liswanelo za Hae. “Ni ba shwezi. Kina Muliululi wa bona wa Lubasi. Kina. Kina Muyemeli. Mali a Ka asuluhile. Ni bile Mutu. Mi Ni ezize ze kuli Ni kutise Keleke yani hape, yona Yene Ni boni kusikaba kale mutomo wa lifasi. Ni I tokomezi. Ni I bulezi, Ikaba teni. Mi hakuna yakona ku I nga, kono Ni shetumukile ku yo Inga, Na kasibili. Kina muhabo mwa Lubasi. Ni bile muhabo.” Mi Anga Buka. Amen!

²⁴³ Oh, Kimañi ya ni libelela Kwani busihu boo? Yani ki Yena mañi, keleke, yasweli kulibelela Kwani? Ki sikamañi hape se si ka yo kulibelela Kwani? Kiyena Muliululi wa Lubasi yani! Oh, mawi! Ha ki mubulelelo kwabunde ni woo, kamba kezo!

²⁴⁴ Cwale Una ni pampili yepaka muña sika ya puluso. Una ni Yona mwa lizoho la Hae. Buyemeli bu felile cwale. U I sweli mwa lizoho la Hae. Muhupule, Ne i banga mwa lizoho la Mulimu, ka nako kaufela, kono cwale se Iinzi mwa lizoho la Ngunyana.

Cwale amutalime. Pampili yepaka muña sika ya puluso, za pupo kaufela, i mwa lizoho la Hae. Mi U ti lo I kutisa, ni yona, kwa lusika lwa batu. Isiñi ku I kutiseza kwa Mangeloi. A I kutiseza kwa batu, bona bo Ne i filwe, kuli babe bana ba bashimani ni basizana ba Mulimu hape; ku ba kutiseza kwa simu ya Edeni, kaufela ze ne ba latehezwi; pupo kayfufela, likota, bupilo bwa lifolofolo, lika zeñwi kaufela. Oh, mawi!

245 Kana zeo ha li mi utwisi hande? Whew! [Kopano ili, “Amen.”—Mu.] Ne ni hupula kuli Ni katezi, kono ha Ni sika katala cwale. Mwabona? Fokuñwi Ni nahana kuli Niya—ni supala kupalelwa kukutaza, mi kipeto Ni bona nto yeñwi ye ezahala, mi Ni nahana kuli Ni sa li mucaha hape. Eeni. Uh-huh. Hum! Si eza nto yeñwi ku wena. Mwabona?

246 Kakuli Ni ziba cwana, kuli kuna ni yomuñwi Kwani ya ni libelezi. Kuna ni Yana lifile mulatu one Ni sa koni kulifa. Yeo ki niti. Na ni ezelize zona, Charlie. U ku ezelize zona. U liezelize lubasi kamukana lwa batu. Mi cwale Utaha kwa ku ikungela liswanelo za Hae za puluso. Ku lipakela mañi? Isiñi ku yena Muñi; ku luna. Ki alimuñwi wa luna. Ki alimuñwi wa bahesu. Oh, mawi! Ki Muzwale waka. Ki yena Mupulusi waka. Ki yena Mulimu waka. Ki yena Muliululi wa Lubasi waka. Ki lika kamukana. Kakuli nenili sikamañi Na kusina Yena, kamba Nikona kuba sikamañi kusina Yena? Kacwalo, mwabona, Yena ki lika Zoote kuna. Mi Uyemi Kwani sina muhaesu. Mi cwale U bile a lu kupela kwateni, mane kufita ni nako ya cwale. Mi cwale Utaha ni kunga Buka ya Puluso, kuli apake liswanelo za Hae, ka za Na lu ezelize.

247 Ba shwa. Jesu ali, “Ya lumela ku Na, ni ha shwile, uka pila hape. Ya pila kaufela mi alumela ku Na hana kushwa. Ya ca mubili wa Ka ni kunwa Mali a Ka una ni Bupilo bwa kamita, mi Ni ka mu zusa ka zazi la mafelelezo.”

248 Hakuna taba, kamba u ka lobala mwa mutonelo wapili, wabubeli, wabulalu, wabune, wabuketalizoho, wabusilezi, kamba wabusebene, kaufela kwa ka lobalela. Kiñi ze ka ezahala? Tolombita ya Mulimu ika lila. Tolombita ya mafelelezo yeo uka tibuluha, yona nako yeswana yeo lingeloi la mafelelezo halifa Liñusa lalona mi ni Liswayo la mafelelezo likwaluha. Tolombita ya mafelelezo ika lila, mi Muliululi atahe ange maluwo a Hae a liuluzi, Keleke ya Hae, yetapile ka Mali.

249 Cwale, oh, pupo kaufela i mwa lizoho la Hae cwale, fo ku swailwe mulelo kamukana wa puluso ka Maswayo asupa, mwa Buka ye ya Na ngile. Cwale amutalime. “Mi ki Yena fela anosi yakona ku Li patululela yo Alata kaufela.” Una ni Lona mwa lizoho la Hae, mwabona. Cwale, Na sepisize kuli li kaba ka nako yeo, cwale, kakuli Li swailwe ka Maswayo Asupa a kunutu, Buka ya Puluso. Cwale amutalime. Mi cwale. . .

250 Balikani, Ni mi bulelezi, kuli nika mi lukulula ka eiti-seti, kono Ni sialezwi ki makepe amalalu kamba amane fa, kuli ni feze taba ye. Kacwalo Ni bata . . . Se nili fitelezi kale naini. Kuli mukone ku yo kuta kamuso.

251 Kono cwale mwa Buka ya Maswayo a sebene yee, ya puluso, yana ngile Ngunyana yani, ku yena Anosi, neli Yena fela Yana kona kueza cwalo. Mi A Inga mwa lizoho la bulyo la Yana inzi mwa Lubona, cwale, kuli ange baba liuluzwi ba Hae, kuli ange liswanelo za Hae. Ku ikungela, na ni wena, sa Na lu liuluzi ku sona, kuya, mwabona, kukutela kwa lika kaufela za na latehisize Adama mwa simu ya Edeni. U lu liuluzi kukutela ona kwani.

252 Cwale ni Ngunyana, ni Buka mwa mazoho a Hae, lu itukisize kukupa muhau wa Hae ni sishemo fahalimwa luna, kuli a lu kwalulele Buka ya Maswayo Asupa, ni kuli lutalime kwabuse bwa lisila la nako, fa nako nyana fela. Oh, mawi! Mulemuhe ha Na ngile Buka, pampili yepaka muña sika, neiswailwe, (mu hupule fela zeo mwa minahano ya mina cwale), ni kukwalula Maswayo a kunutu, ku apatulula, ku atisa ku ba Hae, mwabona, sicaba sa Hae kamukana se si liuluzwi.

253 Cwale, ha lu ka fita fa Maswayo aa, lu ka kutela mwa mulaho ni kubona mioyo yani mwatasa aletare, inge ilila, “Mulena, kukanga nako yekuma kai, kukanga nako yekuma kai?”

254 Mi ki Yo fa sina Muyemeli, fa aletare, “Fa nako nyana fela, kufitela ni babañwi banyande sina mina.”

255 Kono cwale Utaha kuzwa faa, fa Liswayo la mafelelezo lee. Ha i sa li Muyemeli. Se li Mulena cwale. Mi ki sikamañi Sa eza? Haiba Ki Mulena, Ulukela kuba ni sicaba. Mi sicaba sa Hae ki bona Ba liuluzi, mi habakoni kutaha fapila Hae konji Ha sa ngile swanelo ya puluso. Mi cwale Wa taha kiyoo, kuzwa kwa kuba Muyemeli; koo lifu ne li lubeile mwa libita, Utaha liswanelo. Amen.

256 “Mi ni bona ba bapila mi basiyala kufitela Kutaha kwa Hae, habana kutibela baba lobezi. Kakuli tolombita ya Mulimu ika lila, ka tolombita ya mafelelezo yani.” Liswayo la mafelelezo ha se li mamuluzwi, mi ni foo lingeloi la busebene ha li fa Liñusa la lona, “Tolombita ya mafelelezo i ka lila, mi ba bashwezi ku Krete ba ka zuha. Mi luna ba ba pila mi lu siyala luka ngelwa hamoho ni bona, ku yo Mu katanyeza mwa mbyumbyulu.” Wa baanga! U tile cwale ku ikungela maluwo a Hae—Hae.

257 Mutalime! Mutalime nto ye! Mawi! Amalula Maswayo, apatulula likunutu. Kupatululwa lili (kakai?) kwa lusika lwa keleke ya mafelelezo, yona inosi fela yepila. Amañwi kaufela a lobezi.

258 Na ize, “Haiba U taha fahala busihu, ka nako ya mikombwe, nako ya malungasiku, kuisa cwalo ni kwa nako ya busebene ya zuho.” Mwa nako yabusebene, kwa utwahala ta—ta taelo, kamba neli pizo, “Amubone, Munyali ki yoo wataha!”

259 Mi ba si no eza cwalo, mwalanjo ya lobezi, likeleke za sihalihali, bali, “Oh, mwa ziba, Ni—Ni lumela kuli Ni tabela kuba ni ona Moya o Kenile woo.” Kana mu lemuhile ma Presbyterian ni ma Episcopalian? Kana ne mu utwile Liñusa la ka mwa Phoenix, kwa baana baba yemanga kwani, mwa tukiso ya *Voice* kwani, bali . . . ? Kihande, ki butata mañi bobuli ni muñoli yoo, hali, “Ndate ya Kenle wa *Kuli-ni-kuli*”? Kanti, Bibeze iize, “Musike mwa biza mutu kuli, ‘Ndate,’ ze cwalo.” Mwabona, basweli kulobala ni bona, kona libaka, kono ha ba taha bali, “Eehe, lwa lumela.”

260 Musali na bizize fela musali yomuñwi, ali, “Wa ziba, Ni mu Episcopalian.” Ali, “Ne—Ne—Ne ni bulezi ka malimi, zazi leliñwi. Ni lumela kuli Ni amuhezi Moya o Kenile, kono, sh, usike wa bulelela mutu zeo.” Na kakanya zeo hahulu luli. Wakona kuba ubulezika malimi. Kono, u beye mutu fa Mulilo, uka ina cwani akuzize? Yeo ki niti. Mwabona? Mwabona? Hakoni kueza cwalo.

261 Mwakona kunahana kuli Pitrosi, ni Jakobo, ni Joani, ni babañwi bani fa ndu ya fahalimu, inge ba bulela kuli, “Oh, luna ni Moya o Kenile cwale, kono mwendi lu kuze fela”? Muzwale, mwa mahaulo, likwalo, ni lika kaufela, ba zwa, kukena mwa mikwakwa, baeza inge batu baba kozwi. Woo kona Moya o Kenile wa niti.

262 Kono, mwa bona, mwalanjo ya lobezi yani hakuna sa sweli kuamuhela, nihakuli cwalo. Uh-huh. Yeo ki niti. Mi muhupule, hane bailo lika kuleka Oli, muhupule, Mañolo ha buleli kuli ne ba I fumani.

263 Kono hane ba sa i lo A leka, kwa utwahala muhuwo. Kiñi ze ne zahalile? Balanjo bani kaufela baba lobezi, bazuha ni kutukisa lilambi za bona, “mi bakena mwa Mukiti.” Kana ku cwalo? [Kopano ili, “Amen.”—Mu.]

264 Mi babañwi ba sialela nako ya Nyandiso, kiniti, “Kulila, kubokolola, ni kukweca meeno.” Yeo ki keleke, isiñi Munyaliwa; ki keleke.

265 Munyaliwa akena. Kuna ni shutano yetuna mwahala keleke ni Munyaliwa. Eni, sha! Uh-huh. “Akena mwa Mukiti wa Sinawenga.” Oh, lemuha, mushimani! [Muzwale Branham ukambela mazoho hañwi—Mu.]

266 Maswayo na kwaluhile (kiñi?) mwa lusika lwa keleke ya mafelelezo, kuli apatulule Niti yee. Kiñi? Ngunyana ya kwalula Maswayo ni ku a patulula kwa Keleke ya Hae, kuli angele sicaba sa Hae mwa Mubuso wa Hae. Munyaliwa wa Hae, mwabona! Oh, mawi! U bata kutisa sicaba sa Hae ku Yena cwale.

267 Ki nto mañi yeo? Kuzwa mwa liluli la lifasi, kuzwa mwatasi a liwate, mwatasa misima, kuzwa kai ni kai ni mwa sibaka kaufela, kuzwa mwa—kuzwa mwa libaka za lififi, kuzwa mwa paradaisi, kaufela ko bakona kubatani. Uka biza, mi baka alaba.

Amen! Amen! [Kopano ili, "Amen."—Mu.] Uka biza, mi ba ka alaba.

²⁶⁸ Utaha kwa sicaba sa Hae. U patuluzi likunutu za Hae, mi ba Li boni. "Mi nako ha isana kubateni," ka nako yeo. "Nako ikabe ifelile." I felile. Ku lukile.

²⁶⁹ U zwa fa Lubona, uba Mulapeleli, sina Ngunyana ye tabilwe; kuba Tau, Mulena; kutisa lifasi kwa Katulo, leli hanile Liñusa la Hae. Ha ki Muyemeli.

²⁷⁰ Muhupule tuto ya Testamente ya Kale cwale, hanze lu akufa. Mi mali ha sa zwile fa sipula sa sishemo, sa ba sikamañi? Sipula sa Katulo.

²⁷¹ Mi cwale Ngunyan, ye tabilwe, azwa mwa Kuyakuile, kuzwa mwa Lubona lwa Ndate, mi anga liswanelo za Hae, neli Sipula sa Katulo. Cwale A taha, isiñi kuba Ngunyana, kono Tau, Mulena, mi Ubiza Muoli wa Hae kuli atahe ayeme bukafu ni Yena.

²⁷² "Kana hamuzibi kuli balumeli ba ka atula lifasi?" Daniele naize, "Katulo ne i tomilwe, mi libuka za apulwa; mi cwale likitikiti ze mashumi a likitikiti za taha ku to Mu sebeleza," Mulena ni Muoli. "Mi cwale Buka yeñwi ya apulwa, yeneli Buka ya Bupilo," yeo ki ya keleke. Cwale Muoli ni Mulena ba yema fani.

²⁷³ Sina manzwi a mulisana wa likomu ha li:

Mabani hane Ni lobezi mwa musindi,
Na buha linaleli mwa mbyumbyulu,
Mi Na komona haiba mulisana fela wa likomu
Akona ku yo punya kwa simbule sa litoma sani
sa kamita.

Kuna ni nzila yeliba kwa bunde, bwa Sibaka
sani sa tabo,

Kono ku unsufezi, nzila ki yesisani, mo ba i
bizeza,

Kono ye bapukile i liba kwa sinyeho
I kabisizwe mi i benya musipili kaufela.

Ba bulela za Muñi usili yomutuna,

²⁷⁴ U sweli kubulela ka manzwi bupilo bwa likomu za hae. Nemuli mwa mukopano wa lifolofolo, nemulibona patalaza.

I bulela za Muñi usili yomutuna,
Mi Yena ha i melwi ki maluwo, kona piho
yabona,

Yena ukana apangela muezalibi sibaka
Ya ka yembuluka mwa nzila ye namile yani.

Ba bulela kuli Hana ku ku yaya,

Mi U ziba kezo ifi kaufela ni mubonelo;

Kakuli, ka silelezo, kihande lube ni ze lupaka,
Lube ni mabizo a luna mwa Buka ya Hae
yetuna.

Kakuli ba bulela kuli kukaba mukopano
 omutuna wa lifolofolo,
 Mi balisana ba likomu sina tunamani totusina
 bo matona hatuyemi,
 Ku yo beiwa swayo ki bapahami ba katulo,
 (bona bapolofita ni baboni bani)
 Baba cuukile ni kuziba peu ifi kaufela.

275 Haiba mukile mwaba mwa sikwata sa likomu, mubona mulena uyemi fani, ni bapahami, inza shela shela mwahala likomu. Ha ka bona likomu za hae inge lifiota, uka zibisa mulena hae. Mi mulena hae u ka libona, ni ku nyunga toho kuli uboni. Lusika lwa peu ya hae lwatah mwateni, kumata mata, kumata mata mwa mutapi, ni manaka azona inza ngunyana cwalo, mi wa aba likomu za hae cwalo. Mwabona?

Ba bulela kuli kukaba mutapi omutuna,
 Mi balisana ba likomu sina linamani ba ka
 yema fela,
 Ze ka beiwa swayo ki bapahami ba katulo,
 Baba cuukile ni kuziba peu ifi kaufela.
 (Mwabona?)

276 Mi ki hali:

Ni sepa kuli Nikona kuba nkomwana ya
 mwaha kamba yemibeli yeicambaela,
 Ki mutu fela ya atulezwi lifu, yasina mayemo,
 (yena, baka apeha mulo ku yona, mwabona),
 Ya ka fumaneha mwa sikwata sa batu ba
 matakanyani,
 Ka nako ya taha mulena wa bapahami.

277 Mwabona Yo Ali yena? Mulena wa bapahami. Yeo ki Ngunyana, kwa balumiwa baba sebene baba lumilwe mi ba ziba peu kaufela. Mwabona? Hum!

278 Mulemuhe, kiyo Ataha. U siya Lubona, kakuba Mulapeleli, kakuba Ngunyana ye tabilwe; kuli abe tau, Mulena, kuli atise lifasi kaufela mwa Katulo, le li hanilwe. Muliululi wa luna wa Lubasi kipeto uba Mulena wa boote. Kiñi? Una ni pampili yepaka muña sika ya puluso. Kaufela zeo li mwa lizoho la Hae. Ni tabile Na Mu ziba. Mwabona?

279 Kipeto u ikungela maluwo a Hae; yeo kona Keleke, Munyaliwa. Wa i kungela Yona.

280 Ki sikamañi sa Ka eza cwale? U amuha sila sa Hae, Satani. U mu nepela mwa Lisa la Mulilo, ni bona kaufela baba susumelizwe ki Satani, ka kuhana Linzwi la Hae la puluso.

281 Yena ki Mulena cwale. Sishemo si sali fa Lubona. Musike mwa hana mpo ya Hae. Mwabona? Bapahami ba ziba kuli mu bo mañi.

282 Mi, cwale, sila sa Hae, se si Mu file butata ka myaha ye likiti zepeli, kuli akome, “Ni kona kueza ni zona mo Ni latela kaufela. Ni sa na ni zona. Ki za ka. Na . . . Ne ba itobohile tukuluho yabona kwa mulaho kafoo.”

283 Kono ki Yena Muliululi wa Lubasi. U bulezi kuli U kitezi kwa mulaho kafa inza fa milapelo cwale. Kono zazi leliñwi . . .

U li, “Ni ka ba beya mwa libita.”

284 Kono A bulelela Keleke kuli, “Ni ka mi zwisa mwateni.” Mwabona? “Kono, pili, Ni lukela luba Mulapeleli.”

285 Cwale Wa taha, u zwa mwa Kuyakuile kwabuse koo, uzwa mwa Lubona lwa Ndate, kwa Na inzi sina Mulapeleli. Cwale Utaha ku to ba Mulena, oh, ku to busa linaha kaufela ka mulamu wa sipi. Katulo i tomilwe. Oh, muzwale, Muliululi wa luna wa Lubasi una ni zona kaufela. Yeo ki niti. Eeni, sha.

286 Mi U eza sikamañi? U biza sila kutaha, Satani. “Ki ba ka cwale. Ni ba zwisize mwa libita.” Mi Unga mahata kaufela ni balyanganisi ba Linzwi, ni babañwi kaufela baba cwalo, ni Satani, ni kuba yundisa mwa Lisa la Mulilo. U fumaneha kai ni kai, cwale. U ba nepela mwa Lisa la Mulilo. Oh, mawi!

287 Mwa ziba kana? Ni bata—Ni bata kubulela nto yeñwi fa lu si ka kwala kale. Mi cwale luka—luka—luka akufa. Mulemuhe. Lu fafasi cwale a timana ya 7. Kono kuzwa fa timana ya 8, kuisa kuya 14, Ni bata kuli mulemuhe se singa sibaka.

Kamukana ze ne li *mwa lihalimu*, ni kaufela ze ne li *mwa lifasi* . . .

288 Muteeleze fela ku se. Ha luboneñi ni bale fateni cwale. Ni lumela kuli ikaba hande haiba Ni i bala fela mwa Buka, ni timana ya 7, mwabona. Mi mutokomele timana ya 6.

Cwale Na—cwale Na bona, nabona, mi, natalima, mwahala lubona ni libupiwa zene, mi mwahala ba bahulu, nekuyemi Ngunyana ya tabilwe, ana ni litoho ze sebene . . . kamba manaka a sebene (Ni taluse) ni meto a sebene, (kona lu sa zoli tatulula fela), yeli Mioyo ye sebene ya Mulimu ye lomezwi mwa lifasi kamukana.

289 Mwabona, masika a likeleke zesupa, balumiwa ba sebene kona bene ba buluka Mulilo wani unzo tuka. Mwabona? Ku lukile.

Mi a taha (ki Ngunyana) ki ha nga buka mwa lizoho la bulyo la yainzi mwa lubona—yainzi mwa lubona.

290 Cwale mutalime. Mi Amano eza cwalo, mutalime se ne singile sibaka. Mu bulela ka za jibile! Cwale seo ki sona luli ka za kukwalula Maswayo ani, ze kanga sibaka. Lu ka kena mwa “kukuza kwa licika la hola,” kasumulaho fela wa se. Amutalie se, mi luka kalela ona foo. Lu ka feleleza taba ye hande, biki yetaha la Sunda busihu, ona kwanu. Mi amuteeleze ka tokomelo cwale.

Kikuli mu i tukisize? Muli, “Amen.” [Kopano ili, “Amen.”—Mu.] Amuteeleze hande, sene si ezahalile ha Na ezize se.

291 Kanti zebupilwe kaufela ha ne li tonga; hakuna ya na ziba sa kueza, mi Joani na lila. “Kiyoo Ngunyana a taha, inza zamaya!” Mi Buka ye neili mwa mazoho a—a Muña yona wa makalelo, kakuli mutu na wile mi a I latehisa. Mi nekusina mutu yana kona ku I nga, nihanyinyani, kuli a liulule lifasi; hakuna muprisita, pope, hakuna, sina ha Ni bulezi. “Kono Ngunyana ya taha!” Hakuna Maria, hakuna se, kamba muhalalehi wa sani. “Ngunyana ya taha, inze i lota mali, yetabilwe, ni kunga Buka mwa lizoho la Ya nainzi mwa Lubona.” Mi ha ba bona kuli nekuna ni Muliululi; mi hamoho ni—ni mioyo yeli mwatasa aletare, mi Mangeloi, mi ba bahulu, fani ha lika kaufela haba libona, se ha si ezahalile. Sona, kanti, si inzi kwapili. Busihu boo Ki Muyemeli, kono U taha ku se. Mutalime.

Mi asino nga buka, libupiwa zene ni ba bahulu baba mashumi amabeli ka babane bakubama fapila Ngunyana, kaufela bona bana ni liharepa, ni manaka a gauda atezi minnko yende, ili litapelo za balumeli.

292 Bao ki bona babali mwatasa aletare, baba lapezi, seli nako yetelele. Mwabona, ne ba lapelezi puluso, ba lapelela zuho. Mi fa bona—bona babahulu ba basulula litapelo za bona fapila . . . Kakuli, cwale luna ni Muyemeli, luna ni Muliululi mwa Lihalimu, ya tile ku to nga liluwo la Hae.

Mi baopela pina ye nca, ba li, Wa lukela kunga buka, ni ku mamulula maswayo a yona: kakuli u kile wa bulaiwa, mi wa liululela Mulimu wa luna (mutalime) ka mali a hao batu babazwa mwa masika kaufela, . . . ni mwa lipuo, ni mwa mishobo ni mwa macaba;

Mi u lu beile kuba malena ni baprisita ku Mulimu: mi lu ka busa mwa lifasi.

293 Neba bata kukuta. Mi fa bakuta hape, ku yo ba malena ni baprisita.

294 Kanya ku Mulimu! Ni ikutwa bunde luli kubulela ka malimi. Mutalime. Mutokomele. Eeni. Ku bonahala kuli Ha ni sana mushobo otokwahala; Ne ni ka Mu lumba ka ona. Ni tokwa o Ni sa zibi mane.

295 Mulemuhe, “Mi Na bona . . .” Muteeleze ku se.

Cwale Na talima, mi na utwa manzwi a mangeloi amañata . . .

296 Muteeleze jubile ye ezahala! Ha ba bona Ngunyana yani inze i taha ni kunga Buka yani ya Puluso, mioyo ya huwa. Lu ka fita kuzona. Kaufela, kamukana, babahulu bawa fafasi. Ba sulula litapelo za balumeli. Sikamañi? Nekuna ni Muliululi wa yana lu yemezi. Ba wa ka lipata za bona. Mi ba opela pina ye nca

bali, “Wa lukela, kakuli U kile wa bulaiwa!” Mutalime seo . . .
Mi mutalime Mangeloi aa!

*Cwale Na talima, mi . . . na utwa manzwi a mangeloi
amañata abeile lubona ni libupiwa zepila ni babahulu
mwahali: mi palo ya f'a kuma ki bolule ba ba lishumi ba
bolule ba ba lishumi, . . . ba bolule; (Whew! Mulemuhe!)*

*Ba bulela ka manzwi amatuna ba li, Ngunyana ya na
bulailwe ki Yena yalukela kufiwa bulena, ni bufumu, ni
butali, ni mata, ni likute, ni kanya, ni milumbeko.*

297 Ha ki nyakalalo ni yeo ye ezahala mwa Lihalimu, mi
Ngunyana yani ha i etelela, izwa mwa sibaka sa milapelo sani,
kutaha fa kutonga liluwola Hae!

298 Mwa ziba, seo sa tabisa hahulu Joani. Hakulata na boni
libizo la hae liñozwi. Mi Maswayo ani ha tamuluha, na lukela
kuba ya tabile luli. Muteeleze za na bulezi.

*Mi ze bupilwe kamukana za mwa lihalimu, ni za mwa
lifasi, ni za mwatasa lifasi, . . . ni za . . . mwa liwate, ni ze
ku . . . zona kaufela, ku zona, Na li utwa, li bulela lili,
Milumbeko, . . . likute, . . . kanya, . . . mata, libe ku yainzi
mwa lubona, ni ku Ngunyana mwa linako ni linako . . .
(Amen! Amen, ni amen! Oh!)*

*Mi libupiwa zepila ze ne za li, Amen. Mi ba babulu
ba wa ka mañwele ba kubamela ya pila mwa linako ni
linako.*

299 Mubelele za nyakalalo, mubulele za nako, Ngunyana yani
ha taha cwalo! Mwabona, Buka mane i swailwe mwa Lihalimu,
makunutu a kwalilwe.

300 Muli, “Kana libizo laka limwatani mwani?” Ha ni zibi. Ni
sepa kuli liteni. Kono, haiba ku cwalo, ne li ñozwi mwa Buka
kusika ba kale mutomo wa lifasi.

301 Kono nto yapili, yene paka puluso yani, kwa taha Ngunyana
ye tabilwe kuzwa kwa mutomo wa lifasi. Mi Anga Buka, (kanya!)
akwalula Buka, ni kupazula Maswayo; ni ku I lumela mwa lifasi,
kwa lingeloi la Hae la bu sebene, kuli li I patulule kwa sicaba sa
Hae! [Kopano ya nyakalala ka tabo yetuna—Mu.] Ki fohe cwale.
Oh, mawi! Kiñi ze ne ezahalile? Kiko kukalumuka, kiko kuhuwa,
ma haleluya, kutoziwa, ni mata, ni kanya, kubonahala! [Kopano
izwelapili ku nyakalala ka tabo yetuna.]

302 Mi Joani yani, yana yemi fani, muzwale waluna, inza lila!
“Kiñi,” mi ali, “lika kaufela mwa Lihalimu mwa lifasi, ni lika
kaufela mwa liwate, za ni utwa ha ni huwa, ‘Amen! Amen!
Milumbeko, likute, ni puso, ni mata, libe ku Yena yapila mwa
linako ni linako.’”

303 Mu bulele ka nako ya tabo, Maswayo ani nako ya
mamululwa! Joani na sepa na talimile mwahali ni kubona
kufitelela lisila la nako, mi ali, “Ki yahni Joani.” Oh, oh!

304 Na tabile hahulu, kufitela abulela kuli, “Kaufela za mwa Lihalimu.” Na swanela kuhuwa luli, nji cwani? “Kaufela za mwa Lihalimu, kaufela za mwa lifasi, kaufela ze mwatasa lifasi, libupiwa kaufela, zeñwi kaufela, za ni utwa hanili, ‘Amen! Milumbeko, ni kanya, ni butali, ni mata, ni puso, ni bufumu, libe ku Yena.’” Amen!

305 Kiñi? Sinulo ha i taha, kuli Ngunyana, yena Muliululi, waluna wa Lubasi, na sa zwile mwa Lubona lwa ku kupela sicaba mi natilo nga maluwo a Hae. Oh!

Cwanoñu Ngunyana ukanga Munyaliwa wa
Hae kuli a Muine kwatuko kamita,
Limpi za Lihalimu kaufela lika kopana;
Oh, ikaba pono ye kanya, ba bakenile kaufela
mwa liapalo ze sweu twaa;
Mi lu ka yo pila ni Jesu Kuyakuile.

Oh, “Amutahe mutoca,” Mulena wa biza, (muce
fa Linzwi), “Mutahe mutoca.”

306 Oh, Ni—Ni—Ni ba yasina manzwi, mwabona.

“Amutahe mu ce, amutahe mu ce,”
Mwakona kucela fa tafule ya Jesu ka nako
kaufela, (Cwale! Kono cwale Ha zwa,
hakusana sepo.)
Ya na fepile sicaba, afetula mezi kuba veine.

307 Yana bulezi, kuli, “Ya lumela ku Na, misebezi ye Ni eza uka i eza ni yana.” Oh, mawi! Yena ya na sepisize litaba ze mwa mazazi a maungulo. Yena ya bulezi litaba zee. Yena yali cwale mwa nako ya sinulo ya litaba ze zibilwe zee. “Amutahe mu to ca.” Oh, musike mwa Li mbwinja, muzwale waka.

Cwale ha lu inamiseñi litoho za luna fa muzuzu fela.

308 Kamuso busihu, ka sishemo sa Mulimu, lu ka lika kukwalula Liswayo Lapili lani, haiba Mulimu uka lu kwalulela Lona ni ku lu lumeleza kubona se ibile sinulo yee, “yepatilwe kuzwa kwa mutomo wa lifasi.”

309 Lusika eza kale zeo, mulikani wa muezalibi, kamba membala wa keleke ya enya fela, kikuli una ni fela siemba sa kuba wa keleke kihona, kamba hauna siemba sa kuba wayona? Mi haiba una ni fela siemba sateni, ukona kuba fela hande ni ha no kaba usina sona. Utokwa Kupepwa. U lukela kutaha kwa Mali. U lukela kutaha kwa sika se si ka takla sibi kaufela, kufitela kutokwa kuba ni kupuzo ni yekana yatani.

310 Haiba ha u si ka ba ni buitukiso, kale, bwa ku kopana ni Ngunyana mwa mbyumbyulu! Mi ka mata abeilwe ku na ka tumo yaka, yefile ki Mulimu Yamata kaufela, ni ku laelwa ku na ka Lingeloi, ili Siita sa Mulilo, Na ku laela, ka Libizo la Jesu Kreste! Usike wa lika ku Mu katanyeza ka silikani fela sa ndu ya malobalo ya keleke ya lifasi lee.

³¹¹ Taha, Muyemeli ha sa li, kuya ka mo Ni zibela, u sa li fa Lubona, inza kupela sicaba. Kakuli, ku ka taha lizazi le u ka bata kutaha, mi hakuna ku yoba Muyemeli. Kakuli haiba lubona hola yelupila kuyona, mwa lusika lwa keleke yabusupa, ni likunutu za Mulimu liba mo se libezi, ni bupaki bwa Moya wa Mulimu kubonisa kaufela za Na sepisize mwa mazazi a mafelelezo, kucwani he ka nako yesiyezi? Muezalibi tuwe mulikani, taha.

³¹² Mulena Jesu, lihola liya lifela. Hakulata nako ifelile kale kufita mo lu nahanela. Mi lutabile kubona hola ye lu atumela teñi ye. Ki hola yende hakalo kalo yeo lifasi likile la ziba haisali, ku mulumeli. Kono, ku ya hanile, ki nako yebutuku hahulu ku zekona kubateni. Hakuna manzwi akona kufumanwa mwa alufabeti, litaku zepaka manzwi, akona kutatulula matata ni maswabi alibelezi kwapili. Mi hape hakuna manzwi akona kufumanwa, mwa litaku zaluna za alufabeti, akona kutatulula limbuyoti ze libelezi mulumeli.

³¹³ Ndate, kwakona kuba babañwi, busihu cwana, mo babasina sepo. Mi ki batu baba butali luli. Mi cwale haiba Mali a saliteni fa Sipula sa Sishemo, lumeleza Ngunyana kuzwa mwa Lubona, kutaha mwa lipilu zabona, busihu boo, ni kuba patululela kuli ba latehile. Mi ka mazoho atezi fela Mali, uli, “Taha, ha ku sa na ni nako ya kutaha.”

³¹⁴ Ni beya Liñusa, Mulena, ni tapelo yaka, mwa mazoho a Hao. Eza Zo lata kuezwa kaufela, Ndate, ka Libizo la Jesu.

Litoho zaluna linze liinami cwalo.

³¹⁵ Haiba wa li kuba ufite fa kupo ye ni zeswanela zeo! Haiba u sepile fela mwa keleke ya henu! Nekusina se ne si ka liulula. Haiba u sepile litapelo za muhalaleho yomuñwi cwalo, u sa latehile. Haiba u sepile misebezi ya mazoho a hao, sika so ezize, misebezi yeminde, u latehile. Haiba u sepile mwa—mwa tapelo ya bomaho, kamba kuluka kwa bomaho, bo ndataho; haiba u sepise ku zeo, u latehile. Haiba u sepile za kususimuka fela, maikuto amañwi fela, maikuto a mubili, za kubulela ka malimi, kamba kubina! Haiba zeo kona zo i sepela fela, mi u sa zibi Ngunyana, ka buwena, ha u Mu zibi, konakuli, Ni ku laela fapila Mulimu, lukisa taba yeo, ona cwale fa, ni Mulimu.

³¹⁶ Mwatasa pilu ya hao, ulapele. Mi ube fela ya bunolo, kakuli Mulimu u ipata mwa bunolo. Mu hupule, Biblele i ize kuli, “Babañata baba lumela ba ekezwa kwateni.”

³¹⁷ Mi halunze lu mi lapelela, Ni sepa kuli mukaba ni buiketelo bulibuñwi boo bwa (hao) bwa Kuyakuile kuli, “Mulena, Ni ka bulela nili, ‘Ee!’” Mi *buiketelo* ki “licwe.” Kono bunde bwa licwe ki bufi kusina mubasi wa lona yakona ku li cankula, kuli ayahe muyaho, kuli liswanele fa muyaho? Konakuli, lumeleza Moya o Kenile ku ku sebulula fo u inzi, kuba mo lukela kubela. Haiba u membala fela wa keleke ya omelezi mulala; haiba u muezalibi;

kaufela so li sona; haiba hauna Kreste, usina Moya o Kenile, Mulimu aku fe sishemo, busihu cwana.

318 Cwale, Mulena, ka swanelo mo Ni zibela mwa kutela, mi ka—ka Mañolo mo Ni zibela mwa kutela, Ni taha cwale ni bona bo Ni file ku Wena baa, ni Linzwi. Na sepa, Mulena, kuli Linzwi li fumani sibaka sa Lona mwa pilu za sicaba, busihu cwana.

319 Haiba kuna ni ya cwalo mo ya sa zibi, kamba yasina sepo yani ya Moya o Kenile Kubateni kokunde ko kupila mwa bupilo bwa hae; kuli, kacima-cima, kamba ku sa isezanga kwa lika, kamba buitati, kamba kuna ni se si pumile Taba yabutokwa ye kubona, ni ku ba paleliswa kufita ku Yona; kamba tuto yeñwi ya litumelo, kamba—kamba—kamba maikuto amañwi cwalo, aba bulukilwe kuzwa kwa bunde bwa kutwano ya Mulimu; kuli zeo cwale li tamuluhe kaufela!

320 Ni kuli Ngunyana, yena Muliululi yana lota Mali yani, ya kenile ya na zwile mwa Lubona inza zamaya, mwahala Maseli a kunutu a malibela a Lubona lwa Mulimu, azwela fande ku to ikungela maluwo a Hae! Mulimu, lumeleza, busihu boo, kuli ba Mu amuhele. Mi buiketelo kaufela buezwe ka tokomelo yetuna, mi cwale baipe ilibona ku Yena anosi Yakona ku ba pumaka ni kubaeza kuba bana ba bashimani ni basizana ba Mulimu.

321 Cwale, mwa tapelo ya tokomelo luli, Ni eza se ka mo Ni iktwela kuezeza. Mwa busepahali, fapila Mulimu, kuya ka Mwa iponiselize ku wena. Mi no si Mukreste, kamba mane no si se lebiza kuli. . . Isiñi mu—isiñi mu—mu—mu muikopanyi wa katengo, kono Ni talusa Mukreste yapepilwe sinca. Kono ulumela ka tukufalelo Liñusa kuli ki niti, mi u lumela ka tukufalelo kuli ukona fela kupiliwa ka sishemo sa Mulimu. Mi u lumela kuli U ambola kwa pilu ya hao cwale. Mi u bata ku Mu amuhela, mi u libelezi kuli Linzwi la Hae li—li ku pume kusoli sona, ni ku kueza so lukela kuba sona. Kikuli uka paka zeswana, ka ku yema? Haiba mutu yo uteni mo, mi utabela kueza bui- . . . kuba ya yemela zende, kifo aku yeme.

322 Ndate yakwa Lihalimu, Hakuna ze ni ziba hape kwanda kubulela fela Linzwi la Hao. Ki ba baana ba ba yemi, baba iktwa kuli habayo fo ba lukela kuba, baitukiseza Kuungelwa kwa, kakuli kukona kuezahala mane Liswayo Lapili li si ka kwaluha kale.

323 Mi, Ndate, Na ba lapelela. Na—Na, mutanga Hao, nitisa tapelo ye ku Mulapeleli yomutuna, Kreste. Mi habanze ba lapela, Ni ba tapelo yaka hamoho ni bona, fa Lubona lwa manaka amane a Mulimu, fo kuna ni Sitabelo se si lota Mali busihu cwana. Mi mane ka nako ifi kaufela atuluke mwa Lubona lwani, atahe ato ikungela maluwo a Hae, mi hakusana kuba sishemo se si siyezi; ki katulo.

324 Lumeleza, Mulena, kuli sicaba se si li fa mahutu asona, bona baba yemi baa; mwa lipilu zabona, banze ba baka,

mi baitakaleza kulumeleza Moya wa Mulimu ku ba bupa, ni kuba pumaka, ni kuba eza macwe apila, aswanela mwa Ndu ya Mulena Mulimu. Lumeleza cwalo, Ndate. Ni ba beya ku Wena cwale.

³²⁵ Mi U ize, “Ya ka Ni bulela fapila batu, ni yena Ni ka yo mubulela Fapila Ndate ni Mangeloi akenile.” Mi cwale U inzi foo, mwahala lika kaufela, busihu cwana. Mi bona bayemi, ba ipulela ku Wena. Mi, Mulena, haiba zeo lizwelela kwatasa lipilu zabona, kuya fela ka Linzwi la Mulimu mo libezi le li lukile, U sweli ku ba kupela kwateni, ni ku ba amuhela kwa—kwa libaka za sishemo ni muhau wa Mali a kenisa a Ngunyana ya sitabelo. Mi ba be ba Hao, ka Libizo la Jesu Kreste. Amen.

³²⁶ Cwale, mina baba bona batu baba yemi bao, mucaha yo yali *faa*, ni babañwi babayemi bao, mina baba ikutwile kuli sibi kaufela ni kunyaziwa kufelile. Ni bata kuli munanule mazoho, babañwi ba mina babali bukaufi nibona. Mu ba swale mwa mazoho, mi muli, “Muzwale, Ni ka ku lapelela. Kezeli, Na ku lapelela kwateni.” Amu ba swale fela mwa lizoho, mi muli, “Mulimu aku fuyole.” Mi cwale ze siyezi li mwa lizohola Yamata kaufela. Muli, “Ni ka lapela, mi Ni ka eza kaufela ze Ni kona kuli ni kutuse kukena Mubuso wa Mulimu.”

Oh, wabiza kacenu!

Oh, Jesu wa biza!

U biza ka bunolo kacenu!

³²⁷ Kana mwa Mu lata? [Kopano ili, “Amen.”—Mu.] Kana ha Ki yomunde nji? [“Amen.”] Oh, lukona kuezsa sikamañi kusina Se? “Mutu hana kupila ka buhobe fela; kono ka Linzwi kaufela le li zwelela mwa mulomo wa Mulimu, mutu kona ze ta mu pilisa.” Oh, ni fepe, Mulena, fa Linzwi.

³²⁸ “Musike mwa tuhela kukopana hamoho, sina mukwa wa baba sa lumeli, sihulu ha mubona kuli Lizazi li sutelezi.”

³²⁹ Mulimu ha lata, kamuso busihu, ka muhau wa Mulimu, Ni ka lika, ni zeli kuna kaufela, ku Mu kupa kuli alukup-. . . alukupele, kuli kunuu ya Maswayo aa, hanze a tamuluha cwalo, ipatalaze Linzwi la Mulimu kwa sicaba sa hae.

Kufitela Ni mi bona, Mulimu abe ni mina!

³³⁰ Mi cwale Ni sikululela sebelezo ku muzwale waluna ya likute, Muzwale Neville, mulisana. Ki ba bakai ba balata Muzwale Neville? [Kopano ili, “Amen.”—Mu.] Cwale, kaufela lwa mulata. Taha kwapili, Muzwale Neville. Muzwale Neville, Mulimu aku fuyole, muzwale.



PAKANI YELI MWAHALA MASIKA A
LIKELEKE ZESUPA NI MASWAYO ASUPA LOZ63-0317E
(The Breach Between The Seven Church Ages and The Seven Seals)
MUKOLOKO WA SINULO YA MASWAYO ASUPA

Liñusa le ka Muzwale William Marrion Branham, neli kotalizwe lwa pili mwa Sikuwa la Sunda manzibwana, Liatamanyi 17, 1963, ili fa Branham Tabernacle mwa Jeffersonville, Indiana, U.S.A., iingilwe kuzwa fa tepu ya magesi ya manzwi ni ku hatisiwa kusina kuzusa sika mwa teni kuya Sikuwa. Toloko ye ya mwa Silozi nei hatisizwe ni ku hasanyiwa kiba Voice Of God Recordings.

LOZI

©2021 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Zibiso ya bahatisi

Litukelo kaufela li bulukilwe. Buka ye yakona kupulintwa fa pulinta ya mwa ndu kuli iitususwe ki mutu kamba kuli ifiwe ku yomnwi, mahala feela, kakuba siitusiso sa ku hasanya Evangeli ya Jesu Krete. Buka ye hailekisiwi, kuatiswa mwa buñata, ku nepelwa fa moya wa webusaiti, ku bulukwa mwa mukwa wo bunolo, ku tolokwa mwa mishobo isili, kamba ku itusiswa kwa kukupa mashelēni ku sina tumelelano niba Voice Of God Recordings®.

Ka litaba zeñata kamba ka libuka zeñwi ze liteni, shangwe muñolele kwa:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org